

मल्ल वेदनामस्त

अनुवाद
वेदपाल 'दीप'



लल्ल-बचनामरत

[लल्ल - वाख]

डोगरी रूपांतर



वेदपाल 'दीप'

जे० एण्ड के० अकैडमी आफ आर्ट, कल्चर एण्ड लैंग्वेजिज, जम्मू



LALL-BACHNAMRAT

Dogri Translation

by

VEDPAL 'DEEP'

- ⊙ प्रकाशक : जे० एण्ड के अकैडमी आफ आर्ट, कल्चर एण्ड लैंग्वेजिज जम्मू ।
- ⊙ प्रकाशन : मार्च 1980
- ⊙ पैह्ला पुज्ज : 500
- ⊙ मुल्ल : 4-30
- ⊙ छापाखाना : रमेश आर्ट प्रैस्स, जम्मू ।

ए डोगरी रूपांतर, प्रो० जिया लाल कौल ते श्री नंदलाल 'तालिब' होंदी सांझी पुस्तक 'लल्लद्यद' पर आधारित ऐ जेह्डी पोथी जम्मू-कश्मीर अकैडमी आफ आर्ट, कल्चर एण्ड लैंग्वेजिज, श्रीनगर द्वारा 1975 च, उर्दू तर्जमे कन्ने छापी गेई ही । इस मूल उर्दू-पुस्तक दे पैह्ले ते दूए भाग च, उर्दू अनुवाद-समेत, छापे गेदे 155 वाखें दा ए डोगरी रूपांतर, उस्सै क्रम दे मतावक कीता गेआ ऐ ।

—वेदपाल 'दीप'

महान कश्मीरी-कवयित्री

लल्लचद

जीवन-चर्चा ते कर्म-खेतर



लल्लचद, जिसी कश्मीर दे सब्बै लोक, मजहबी फर्की - फर्की कोला
उप्पर उट्ठियै लल्लेश्वरी ते लल्ला - आरफा दे नाणं मन्नदे ते सत्कारदे
न, कश्मीरी भाशा दी, हश्मन-भानी सन्त - कवयित्री होई ऐ ।
कश्मीरी दे कलास्की साहित्य च, नां सिर्फ लल्ल दा थाहूर टकोदा ऐ, सगुआं
कश्मीरी-साहित्य-सरिता दा मुंढला स्त्रोत ओदे बाखें दी नरोई धार गै
सेही होंदी ऐ । अज्जै थमां कोई छे (6) सौ ब'रा पैहलें होई दी ए महान
जोगन, आतम-ग्यान दी उच्च स्थिति उप्पर ते पुज्जी दी गै ही, पर जेल्लै
घर-बाहूर त्यागियै, मस्त मलंग, तंग-धड़ंग फिरने आली ए फकीरनी,
कवता दे रूप च अपनी अन्दरली लो बाहूर खलारन लगी तां उसने
कश्मीरी बोली दी आदि - कवयित्री दे तौरें पर बी अपना थाहूर पक्का
करी लैता ।

लगभग सब्बै कश्मीरी विद्वान इस गल्लै पर सैह्मत न जे कवता दे
गासै च जिन्नी उच्चड़ी डुआरी लल्ल ने मारी ही, उत्थू तोड़ी कश्मीरा दे
कुर्स सन्तकवि दी पाँह् च नेई होई सकी ऐ । रस, मस्ती, प्रवाह, मुहावरा
ते मठास आदि जेह्ड़े गुण लल्ल दे बाखें च न, दूए कश्मीरी शायरें दे
हिस्सै ओ घट्ट गै आए । लल्ल दे बाखें च रोज - बरोज अक्खीं दिक्खी

दिये घटनाएं दे आधार उप्पर उपमायें ते अलकारें दी सिरजना, चुस्त वन्दन, खयालें दी ताजगी, पैनी नजर, गल्ल आखने दा अपना ढंग ते शैली, कवता उप्पर ओदी जमान्दरू ते कुदरती छाप, अन्दरली वेदना दा चिर भर रौह्ने आला असर, चिन्तन ने कल्पना दी इक्क-मिक्कता ते सब्बनैं थमां उप्पर समाजी चेतना ते मनुक्ख मात्तर दी निष्काम सेवा दा भाव वगैरा चेचे गुण उसी कश्मीरा दे दूए सबनैं सन्त-कवियें कोला वक्खरा करदे न । इयें खसीयतां ओदे सुच्चे वाखें गी परखने दी घसवट्टी बी बनी गेदियां न ते इस्सै ध्रुवे पर नसल-दर-नसल, मूह्जवानी परम्परा च चलदे आवा करदे उसदे वाखें दी पन्शान कीती गेई ऐ ।

प्रोफैस्सर जियालाल कौल दे सम्पादन च छपे दे लल्ल दे वाखें दे उर्दू पद्यानुवाद दे आधार पर गै डोगरी दा ए मनजूम तरजमा तैयार कीता गेआ ऐ । प्रो० कौल मन्नदे न जे, अज्जै थमां कोई ढाई सौ साल पैह्लें भास्कर राजदान नां दे इक्क विद्वान लल्ल दे सिर्फ सट्ट (60) वाख कलमवन्द कीते हे । बाद च अगरेज विद्वान सर जार्ज ग्रियर्सन ने अपनी कताव "लल्ल-वाक्यानि" च लल्ल दे चाली (40) नमें वाख छापे हे । एदे बाद पंडित ध्यानन्द कौल बामजई ने अपने संग्रह "लल्ला-योगेश्वरी" च किश होर नमें वाख प्रकाशत कीते । ए सब वाख मलाइयै लल्ल दा असली काव्य मिथेआ जाई सकदा ऐ । इनैं त्रौनैं संग्रहें च छपे दे इनैं 140 वाखें दा डोगरी पद्य-अनुवाद इस संग्रह दे पैहले भाग च दित्ता गेआ ऐ । इनैं वाखें दे मौलक होने बारै कोई शक्क नई कीता जाई सकदा । दूए भाग च जिनें पंदरें (15) वाखें दा डोगरी रूपांतर दित्ता गेआ ऐ उनेंगी प्रो० जियालाल कौल हुन्दी राए च, नमीं खोजै दे मतावक पूरे विश्वास कन्ने लल्ल दे शुद्ध वाख आखना मुशकल ऐ । गल्ल ए ऐ जे मध्यकाल च कश्मीरा दे ग्राएं च होर बी केई सूफी सन्त-साधु होए, जेह्ड़े वाख बी आखदे रौह्दे हे । जेल्ल लल्ल

खासी मशहूर होई गेई तां दूएँ दे वाख वी उस्सै दे नां कन्ने जोड़े जान लगी पे होंगन । इस्सै लई हून चौलें कोला फक्क वक्खरी करना जरूरी होई गेआ ऐ ।

उआं लल्लछद्द दे वाखें दे असली होने दी ठोस शहादत नेईं मिलने दा कारण इव्वी रेहा जे उसदे जींदे-जी उसदे वाख कलमबन्द नेईं हे होए । ओदी मृत्यु दे सौ, डेढ़ सौ साल बाद तकर असेंगी इतिहास दी कुसै कताबें च लल्ल दा जिकर नेईं मिलदा । लल्ल दा नां, **स्वाजा मुहम्मद ब्राजम दीदामरी** दी लिखी दी **“तारीख वाकयात कश्मीर”** (1746 ई०) च आया हा, पर एदे कोला वी पहुँलें बाबा दाऊद मश्काती दी कताब **“इसरार-इल-अवरार”** (1654 ई०) च वी लल्ल दा जिकर आया हा । मगर इस कताबें च इतिहासक गल्लां घट्ट ते लल्ल दे चमत्कारें दी सुनी - सुनाई कहानी ज्यादा ही । लल्ल दे मत्ते चिरै तगर लोई च नेईं आई सकने दी बजह इयँ होई सकदी ऐ जे गूढ़ ग्यान दियां ए गल्लां, पहुँलें बारी, उस बेल्ले दी मानता - प्राप्त साहित्यक भाशा **संस्कृत** च होने दी बजाए, लोकें दी बोल-चाल दी, भाशा **कश्मीरी** च आखियां गेइयां हियां । इस गल्लै गी, लकीरै दे फकीर, पुरातन-पन्थी विद्वानें ते इतिहासकारें शायद पसिंद नईं कीता होग । दूई बजह इव्वी होई सकदी ऐ जे इस अनपढ़ ते नंग - धड़ंग रौह्ने आली जोगनै गी, जेह्डी समाजी रीतें - रवाजें दे विरुद्ध बोलने कशा वी नेईं ही टलदी, उस बेल्ले दे मन्ने - परमन्ने दे विद्वानें, इक्क मुंह्-फट्ट जनेही सुदैनै दी ममूली तुकबन्दी समझियँ ओदी असली ऐह्मीयत पन्छानी गै नईं होऐ । पर इयँ निगगोसारी ते असला च लल्ल दी सगोसारी दा मूजव बनी गेई । समाज दियें उप्परलियें परतें पर बराजमान तत्वे, भाएँ उसदी कोई परवाह् नेईं कीती, पर निचली सतह् पर होने आले आम लोकें च मकबूल होई जाने आली उसदी कवता, भला किन्ता बिर छप्पी-छप्पीली दी

रौह्दी ? आखर दो सौ साल दी इस दुर्भाग्यपूर्ण गुमनामी दे बाद लल्ल दी चर्चा उब्भरी, ते फी नां छड़े कश्मीरै दे, सगुआं बाह्-रले साहित्य - पारखिये वी उसदी मूरतै गी साहित्य दे ठौगरद्वारे च स्थापत करियै उसी बेजोड़े आदर ते मान दित्ता ।

जियां-क अकसर पुज्जे दे सैन्त-फकीरें कन्ने होंदा आया ऐ, लल्ल दी जीवनी वी लोकें च प्रचलत कथें - कथोनियें कन्ने मती गंजलोई दी ऐ ते असली तत्वें उप्पर खासा परदा- जन पेदा ऐ । इन्ने कथें-खुआनें गी जोड़ियै, ओदे जीवन-चरित्तरै दा इक खाका-जन गै बनाया जाई सकदा ऐ । इतिहासकारें ते साहित्य-पारखियें, मते चिरें गै सेही, खिल्लरी दियें इन्ने घटनाएं गी जोड़ियै जेह्-ड़ा ढांचां खड़ेरेआ ऐ, ओदे मतावक लल्लद्दद चौदह्-वीं सदी दे मंझ च होई ही । इसदा जन्म सिंहपुर नां दे ग्रां च इक कश्मीरी पंडित परिवारै च होआ हा । ए ग्रां श्रीनगर थमां दो मील दूर, पाम्पुर कस्बे च हा, जेह्-ड़ा अद्द पदमपुर खुआंदा हा । इस्सै करी वोह्-ने पर सौह्-रियें ओदा लगदा-फवदा नां पदमावती रक्खी ओड़ेआ हा । विश्वास कीता जन्दा ऐ जे ब्याह्-दे बेल्लै ओदी बेरस पंदरें (15) ते ठाह्-रें (18) ब'रें दे बश्कार रेही होग । लगभग 12 ब'रे ओ सौह्-रै रेही । सस्सू दा ओदे कन्ने वर्तन-व्यहार चंगा नेईं हा । ओ लल्ल उप्पर नित नमें दोस लांदी ते उसी भंडने च कोई कसर नेईं ही छोड़दी । ओ अपने जागतै गी वी लल्ल दे खलाफ ब्हकांदी रौह्दी ही । ऐसी जालम सस्स ही ओ जे लल्ल गी रज्जियै खानेगी रुट्टी वी नेईं ही दिन्दी । पर, लल्ल ने इन्ने गल्लें पर कदें रोह्-नेईं हा कीता । ओ सब किश-चुपचाप जरदी रेही ।

लौह्-की बरेसै च गै ओ योगाभ्यास करन लगी पेदी ही । उसने निक्की उमरी च गै अपने कुलगुरु सिद्धवायु थमां गुर-उपदेश लेई लेआ हा । ओ अक्सर अपने घरा निकलियै दूर-दूर टुरी जन्दी ते कुतै नवेकला थाह्-र

तुषियै योग-साधना च डुव्वी जन्दी ही । जिस बेल्लै लोकें गी उसदी ऐसी स्थिति दा पता चली गेआ तां ओ (लोक) उसी, भगती च रंगोई दी जोगन मन्नन लगी पे । खीर लल्ल ने सारियां पारिवारक सौंगलां त्रोड़ी दित्तियां ते घर-बाह्र छोड़ियै जंगलें-जाड़ें च ते ग्राणं च फिरन लगी पेई । उस बेल्लै ओदी व'रेसा दा अन्दाज पंजी (25) ते त्रीह् (30) व'रें दे बश्कार लाया गेआ ऐ ।

लल्ल ने अपने अन्दर झांकिआ तां उसी बाह्रले अडम्बर फजूल-जन लब्धन लगे । इत्थूं तगर जे उसने अपने शरीरै गी खट्टने दा दखावा बी छोड़ी ओड़ेआ ते दिगम्बरी अवस्था च गै रौह्न लगी पेई । इस्सै मस्त-कलंदर दशा च शायद उसदे मूहां ए बाख निकलेआ होग—

मेरे गुरु ने इक्कं गल्ल गलाई ही —

बाह्रा दा तूं अन्दरै गी दुरी जा ।

इस्सै गुर-मैंतर दी लेइयें प्रेरणा,

मस्त होइयें, नंगी अऊं नचचन लगी ॥

लल्लद्यद दे नां कन्ने ओ की प्रसिद्ध होई ? इस बारै बी इक दिलचस्प कथा प्रचलत ऐ । आखेआ जन्दा ऐ जे ओदे ढिड्डा दे खलके हिस्से दा मास, जिसी कश्मीरी च “लल्ल” आखदे न, ढलकियै इन्ना लमकी गेदा हा जे ओ उस दिगम्बर स्थिति च, ओदे गितै इक कुदरती पर्दा-जन बनी गेदा हा । लोकें तां गै ओदा नां लल्ल पाया हा । पर, बाद च ओ आणूं बी अपने बाखें च अपना इयै नां बार-बार लैदी ऐ । जियां :

झोली उस अगें फलाई जहूँ,

लल्ल होई मशहूर अदुग्रां दी आं बसत ॥

×

×

×

“अऊं गै लल्ल आं”, “अऊं गै लल्ल आं”—आखिये,
अपने प्यारे इश्ट गी में सददेशा ।

×

×

×

लल्ल दी अपने समकालीन दीं प्रसिद्ध मुसलमान सन्तें कन्ने केईं वारी मलाटी ते अध्यात्मक संत्सग होने दे बी प्रमाण मिलदे न । इन्ने सन्तें चा इक्क हे हजरत अमीर, कबीर, मीर संयद अली हमदानी (शाह हमदान), जेह्ड़े सन 1379-80 कोला लेइयें सन 1385-86 तगर कश्मीरा च रेह् । दूए सन्त ते कवि हे : शेख नूरुद्दीन वली, जिन्दा मजार कश्मीर घाटी च गै चरार शरीफ तां दी जगह च ऐ । लल्ल ने खासी लम्मी आयु भोगिये बीज-बिहाड़ा कस्वे दी जामा मस्जिद दे बाहूर जेल्ले अपने प्राण त्यागे हे तां उस बेल्ले शेख नूरुद्दीन वली जोआन हे । इन्ने दौने फकीरें दी समकालीन होने करी लल्ल दे जीवनकाल दा अनुमान लाया जाई सकदा ऐ । ज्यादातर इतिहासकार संहमत न जे लल्ल कश्मीरा दे सुलतान अल्लाऊद्दीन दे राज-काल च मशहूर होई गेदी ही । इस सुलतान दा राज-काल सन् 1344 कोला 1355 तगर हा । प्रोफेसर जियालाल कौल होरें स्हाव लाया ऐ जे लल्ल ने चौह्दमीं सदी दे पंहले अट्ठे-दस्से सालें च जन्म लेआ ते सहत्तरे - अस्सियें वरें दी आयु भोगिये ओ परलोक सधारी ।

चौह्दमीं सदी लल्ल दी कर्मभूमि ही । इयें गल्ल उस सदी दी इक्क महत्त्वपूर्ण घटना ऐ । ए ओ बेल्ला ही जिसले कश्मीरा च इस्लाम तेजी कन्ने फैलन लगा हा । संस्कृत दी महत्ता उसले घटा करदी ही । पर, फारसी भाषा हाल्ली ओदा थाहूर भलेआं नेईं ही लेई सकी । इस इतिहासक सन्धि-बेला ते तबदीली दी इस बिचली मजला इच्च कश्मीरी भाषा दे भाग जागे ते आम बोलचाल दी इयें भाषा लल्ल तांईं भाव प्रगट करने दा माध्यम बनी । ए सिलसिला अगें बघेआ ते कश्मीरी बोली च साहित्य सिर्जना दा श्रीगणेश

होआ। लल दे बाखें दी, शेख नूरुद्दीन दी रुहानी कवता उप्पर टकोदी छाप ऐ। ओह, लल दी योगसिद्धि ते आध्यात्म-दर्शन कोला प्रभावत हे। लल ने वेदांत दे रहस्यें ते आध्यात्मिकता दे सूखम वचारें गी, अपनी मातरी-भाषा कश्मीरी दे कांमल ते सखल्ले शब्दें ते मुहावरें च वयान करियँ इस भाषा गी समृद्ध कीता ते एदी साहित्यक शकल-सूरत गी सुआरेया।

भाएं लल शैवमत दी पैरोकार ही ते तांत्रिक-सांधना दी बी उती पूरी जानकारी ऐ ही, पर ओदी कवता ते ओदी समुच्चि फलासफी च उनें सबनें बन्न-सबन्ने सिद्धांतें दी रलीमिली दी रंगत स्पष्ट ऐ जेहूँडे कश्मीरा च अपने अपने समे पर पनपे ते लोकजीवन पर गैहूँरे नक्श छोड़ी गे। इस्सै लेई वेदान्त दे अलावा ओदी कवता च इस्लाम सूफीमत, बौद्धधर्म, तांत्रिक साधना ते शैवदर्शन सबनें दा प्रभाव टकोदा लभदा ऐ। मगर मुंडले तौरै पर लल वेदांती ही ते ओ अद्वैतवाद दी उस उच्चि स्थिति च पुज्जी दी ही, जित्यें ब्रह्म दे सवाए ओदी नजरी च कुसँ होर तत्त्व दी कोई सत्ता नेईं ही। ओ अपना “ग्रहम्” बी समाप्त करी बैठी दी ही। उती दुख हा तां ए जे ओ उस परम-आत्मतत्त्व च अपना आप लोप करियँ बी, उसदा (लल दा) ओदे कन्ने द्वन्द मुक्कने च नेईं हा आवै करदा। उसने इस अद्वैतवादी सिद्धांतै गी मानवता दे विशाल कैनवस उप्पर कविता दे सुन्दर, सुहामें रंगें च चित्तरेआ ते एदे च कुतै - कुतै पेदियें मत-मतांतरें दियें रंग-वरंगी छिट्टें, उस कविता दा शलैपा घटाया नेईं, सगुआं होर बी चोखा करी ओड़ेआ ऐ।

लल इस चाल्ली, इक मिली - जुली सभ्यता - संस्कृति दे ते आध्यात्मिक सिद्धांतें कन्ने जुड़े दे जीवन - दर्शन दे बारै इक ऐसे सांझे दृष्टिकोण दा प्रतीक बनी गई जिसने कश्मीरा दे सारे बसनीकें गी मोही लैता। लल दे नां उप्पर भाएं कोई बखरा सम्प्रदाय जां पन्थ ते नेईं चलेआ पर हिन्दू ते मुसलमान सबनें ओदी मैहूमा बखानी। मन्ने-

मरमन्ने दे मुसलमान फकीरें बी ओदी स्तुति कीती ।

लल्ल दा स्थान मध्ययुगी भारत दी सन्त-परम्परा च बी मुंढला ऐ ।
ओ कबीर, नानक, तुलसी ते मीरां वगैरा कोला बी पैह्लें होई ही ।
उसदे वचारें दी गूँज, भारत दे उस बेल्ले दे भक्ति-आंदोलन च बी सनोचदी
ऐ । मजहबी आडम्बरें, कर्मकांडी ढकौसलें ते समाजक कुरीतियें पर कटाख
करने जां उन्दे बरुद्ध वगावता दा भंडा गड्डने च लल्ल, कबीर, बुल्लेशाह,
जां होर दूए फक्कड़ सूफी कवियें कोला कुसै बी चाल्ली पिच्छें नेईं लभदी ।
किश मसालां दिक्खो :

खाओ-खाई इच्च थहोना कवख नेईं,
बरत, फाके रक्खियै आबै हुंकार ।

× × ×

त्रेहू ते भुक्खै कन्ने तन तड़फायां नेईं
तन ते साधन ऐ, एदे'नै कार कर ।
मार लानत फाकें, नत्तें, बरतें गी,
करम चंगा इयें जे उपकार कर ॥

× × ×

बाचदे इयां अनाड़ी पाथियां,
जियां तोते पिजरे इच—“राम, राम” ।
गीता पढ़ना इक दखावा ऐ छड़ा,
पाठ मिम्मो गीता दा कीता बड़ा ॥

× × ×

मूर्खा, ए कोई चंगा कसब नेईं,
बरत रक्खना ऐ दखावे दी सजौट ।

सांभदे ते सुआरदे रोहना सदा,
इस शरीरं दा शलंपा ते बनौट ॥

× × ×

दस्सी जायां पंडता, मी इन्नी गल्ल,
कोदी पूजा करना एं ते कोदा जाप ?
जन्नी-बट्टे इच्च तुगी थोना के ?
कर मनं दा आतमा कन्ने मलाप ॥

× × ×

जन्दा ऐ सन्यासी सारें तीरथें,
आतमा दे दर्शनं दी लेइयें चाह् ।
मना, तूं पढ़ी-लिखियें बी नेईं भटकेआं,
दूरा सब किश शैल लभदा ऐ बड़ा ॥

× × ×

शिव ते ऐ सारें ब्यापक, थाह् र थाह् र,
भेद नेईं जे हिन्दू ऐ जां मुसलमान ॥

× × ×

अन्न खाने च कुसं नं छिन्ता की ?
सबनें इच्च में दिक्खेआ उस्से दा रूप ।

× × ×

लल्ल दा सन्यास ते वेदांत, व्हेलङ्खोरे दी लटरमस्ती नेईं, सगुआं
अपना जीवन समाज ते मनुक्खता दी निष्काम सेवा ताईं वक्क करने दा इक्क
निश्चा ऐ ।

जेह् कड़ा में कम्म लें पूरा करां,
 भार एह् का चुक्किये परसन्न आं ।
 बक्खरा निष्काम सेवा दा मजा,
 फल इदा दूए गी जा, अऊं धन्न आं ॥

× × ×

उब्बी पढ़ेआ, पढ़ने इच्च आया नि जो,
 जेह् ड़ा पढ़ेआ, कीता आदे पर अमल ।
 सिक्खेआ जेह् ड़ी बी दित्ती दूए गी,
 पैह्ले उस पर आपूँ चलिये दस्तेआ ।

× × ×

ए गल्ल नेईं ही जे दोखिये लल्ल दे रस्ते च कंडे नेईं हे खलारे ।
 धरमै दे ठेकेदार ते समाज दे खुदसाखता खड़पैच जरूर गी हत्थ धोइयै ओदे
 पिच्छे पे होंगन, की जे ओ स्पष्टवादी ही ते आध्यात्मिक उन्नति दा सच्चा
 रूप सामनै रखदी ही । समाज दे पिच्छे-खिच्चू मड़ल्ल, इस बे-लाग ते निडर
 साध-सन्तनी पर कियां खुश रेही सकदे हे ? इनें पंक्तिये इच्च शायद उन्दे
 बल्ल गी अशारा ऐ :

कोई गालीं देऐ, आखें मन्दड़ा
 जो जिसी रुचदा, मिगी आखी फिरै ।

× × ×

इनें बाखें गी पढ़ियै सेही होई जाग जे लल्ल ने हवाई ते ख्याली
 किसमै दा धर्मप्रचार करने दे बजाए जीदी-जागदी मनुक्खता गी अपनी
 काव्य-साधना दा विषे बनाया हा ते आध्यात्मिकता दी उच्ची दशा च
 पुज्जियै बी समाज थमां मूह् नेईं हा मोड़ेआ ।

जम्मू प्रांत दे लोके ते खास करियै डोगरी बोलने - जानने आलें गी
 बड़ा सुखदायी चवात लगग जे लल्ल दे बचनामरत च धुली दी वचारधारा,

ओदे बाखें इच्च खिल्लरी दियां, सन्दर्भे दियां कड़ियां ते इनेंगी खास मैने देने आला पूरा माहौल, ए सब किश उन्दा बी जान-पनशाने दा ऐ ते डुग्गर दी मिट्टी च बी ओ रचे-वसे दा ऐ । जेकर लल्ल डुग्गर च पैदा होई दी होंदी तां बी ओदी कविता दी मानवतावादी सांझी दी घर-घर मानता होंदी ।

इस महान मानवतावादी सन्त कवयित्री गी साढ़ा सौ-सौ प्रणाम ।

अऊं प्रोफेसर रामनाथ शास्त्री हुदा स्थान नेई चुकाई सकदा, जिने मेरे भज्जे-चुट्टे दे शब्दे गी इस कतावै दा रूप देने च मेरी कदम-कदम उपर रहनमाई कीती ते खिल्लरे दे मनके गी परोइयै मालां मेरे गलै इच गै पाई दित्ती । शुरु शुरु च मी ए कम्म एडा औखा बझोआ जे में हिम्मत हारियै ए प्राजैकट गै छोड़ने गी तयार होई गेआ हा । वस्स उआं गै जियां अर्जुन कुरुक्षेत्र च अपने हत्येआर सुट्टी ऐठा हा । ए जकीन शास्त्री होरे गै मिगी दुआया जे ए सारा कम्म चुटकिये च मुकाने दी क्षमता मेरे इच्च ऐ, सिर्फ निश्चा करने दी कसर ऐ । ऊऐ होआ । त्रौं-चौं दिने दी सनाधी परैत में कम्म वन्नै लाई ओड़ेआ । जेह्ड़ा प्हाड़ लब्ध दा हा फुल्ले कोला बी हौला निकलेआ । फी बी जल्दबाजी च रेही गेई दिये चुटिये लेई में अपने आपा गी दोशी समझंग ते पाठके दी नुकताचीनी ते सुझाए दा इन्तजार करड ।

जम्मू, मार्च 1980

—वेदपाल 'दीप'

लल्ल-बचनामरत



518527-1715

लल्ल-बचनामरत



कच्चे धागे 'नै में खिच्चां किशती गी ,
जे सुनी लै ओ कदे मेरी पुकार ,
किशती मेरी सागरें इच्च डोलदी ,
काश, लाई ओड़ें दया 'नै इसगी पार ।

× × ×

पानी जिज्ञ चा तोपा - तोपा चवें दा ,
ओ ते ओ मिट्टी दा कच्चा इक घड़ा ।
मेरा मन ऐ अज्ज ओखें दा मिगी ,
परतिये इत्थूं घरे गी चल मड़ा ॥ 1 ॥



बैन पाइयें हौली - हौली रोड तुई ,
तू बनाई लैता ऐ अपना हाल के ?
बस्स पेओ, मोह - माया दे नेहा ,
मेरेओ चित्ता ! फड़ी ओ चाल के ?

× × ×

लोहे दे लंगर दा छौरा बी कदें ,
 कन्नै - कन्नै तोड़ ते तेरें नि जाग ।
 भुल्ली बँठां अपना असली रूप की ?
 हाय, किन्ने मन्दड़े न तेरे भाग ॥ 2 ॥



जेदे उप्पर नच्चना लाए दा तूँ ,
 हेठ तेरें इक्क झूह्गी खाई ऐ ।
 इस दशा पर बी तुगी विश्वास ऐ ,
 बुद्ध तेरी इन्नी की भरमाई ऐ ?

× × ×

जोड़ी - जाड़ी सांभी रखे दा ऐ जो ,
 खीर रेही जाना ऐ इत्थें, मन्न तूँ ।
 इस दशा इच्च दस्स औँदा के स्वाद ,
 एस हालें कियां खन्तां अन्न तूँ ? 3 ॥



थ्होआ काठें दा बने दा धनख मी ,
 कच्चे तीलें दा बने दा बान हा ।
 राजड़ा थ्होआ अनाड़ी अत्त गै ,
 करना जिसने मेह्ला दा निर्मान हा ।

× × ×

हट्टी मेरी ते बजारै बिच्च ही ,
 अगर दरवाजे प' नेई' हा जन्दरा ।
 तीर्थे बाजा शरीर अपना रेहा ,
 कुसगी भाखा हाल मेरा चन्दरा ॥ 4 ॥



औने ताई' बत्त जेह्की थहोई ही ,
 ओह्कड़ी बत्ता सकी परतोई नेई' ।
 मसां करियै में पुला दे संभ ही ,
 ऐसे मौकै ठली आई संभ ही ।

× × ×

हत्थ पाइय बोजै इच्च तलोफेआ ,
 एदे इच्च ते इक्क धेला बी निहा ।
 [में मनै अन्दर बत्हेरा भांकेआ ,
 एदे इच्च शिवजी दा कुदरै नां निहा ।]
 पार पुज्जने दा में देना मुल्ल के ?
 मेरे'श रेह्दा ऐ इसदे तुल्ल के ? 5 ॥



पंज दस्स ते जारै गी औ के करां ?
 सबबै करी गो कुन्ती मेरी सखनी ।
 सारे मिली-जुलियै जे खिचदे रस्सी गी ,
 जारै कोला गौ गुआची जन्दी की ? ॥ 6 ॥*



* पंज, दस ते जारां दा मतलब ऐ—पंज तत्व, दस इन्द्रिया ते मन
 समेत इन्द्रिये दा समूह, जिन्दी गिनती जारां ऐ ।

अस निरन्तर आँन्दे रेह्, ते जन्दे रेह् ,
 चलदे रौह्ना ए बराबर सिलसिला ।
 जित्थूँ आए उत्थेँ जन्दे रौह्ना ऐ ,
 राज नेईं, तां ए निरर्थक ऐ भला ? 7 ॥



आई आं कुत्त बखिया दा, केह् डे राह् ,
 कियां होऐ मिगी बत्ता दी पछान ?
 कोह् कड़े पासं चलाना होग हुन ,
 कियां लगौ थौह् मिगी, ते होऐ ग्यान ?

× × ×

मेरे गित्तं खुल्ली जन्दे भेत ए—
 बद्ध इस'शा होर के ही मेरा चाह् ?
 नेईं तां ऐसी जिदड़ी दा मुल्ल के ,
 के ऐ आँदे - जन्दे साहें दा बसाह् ? 8 ॥



दिक्खेग्रा में इक स्याना नेहा बी ,
 मरं दा हा जेह् कड़ा भुक्खें थमां ।
 पतभड़ें बी रत्ता इच्च पत्तर जियां ,
 सब भड़न लगी पौंदे न रुक्खें थमां ।

× × ×

मारी जा'दा हा रसोइये गी जड़ा ,
 दिक्खेआ इक मूखें गी, बिजन क्यास ,
 छुड़की जां दुनिया दी कैदा चा कुतें ,
 हुन ते 'लल्ल' लाई दी ऐ बस्स इयै आस ॥ 9 ॥

हूनै इत्थें बगं दी ही इक नदी ,
 परतियै दिक्खां तां पेदा जुआड़ा हा ,
 पुल निहा, बन्नां, नि कोई आर-पार ,
 छल्ल मारू हे, चबक्खे हाड़ हा ॥

लब्धी ही परतक्ख किश चिर पंहुलें मी
 भाड़ी फुल्लें 'नै लदोई—इक तांह ,
 मुड़ियै जे फी दिक्खेआ उत्त बक्खिया ,
 फुल्लें, कण्डे दा निहा बिद नां-नशां ॥ 10 ॥

अग चुल्हें इच्च दिक्खी सुलगदी ,
 परती दिक्खेआ चिनग उत्थें ही नां डार ,
 मेरी अक्खीं सामनं ही पांडुएं दी मां हुन ,
 पलं च कम्हैरें दी मासी बनी गेई ओदे थाहूर ॥ 11 ॥*

* खीरली दौं सतरें इच जेह्ड़ा अशारा ऐ, ओदा आधार महाभारत
 दी एह् कथ ऐ जे इक बारी अपनी दुर्दशा दे दिनें च, पांडुएं
 गी अपनी माऊ समेत कुसं नगरै इच जाइयै इक कम्हैरें दे घर
 शरण लैनी पेई । ऐ ते पांडव राजे हे, पर समें दा फेर हा जे
 ओ कगाल-जन होई गेदे हे । कम्हैरें दा टव्वर महारानी कुन्ती गी
 “मासी” करियै बलांदा हा । इत्थें इयै संकेत ऐ ।

रथ, संघासन, मुकट, छत्तर, राग, रंग ,
 नाच ते संगीत, रंग - बरंग लो ,
 इन्दे चा किश दी नि रौह्ना स्थिर सदा ?
 बस्स चलै नेई, कोह्दा ऐ मोती दा भौ ॥ 12 ॥



मोह - माया दा समुन्दर चढ़े दा ,
 पुल त्रुट्टा, छल्ल मारू, कंठे दूर ,
 गुप्प न्हेरा, काल फेरा पा'रदा ,
 स्होल काया, मौती दा पंजा करूर ॥ 13 ॥



सच्च मन्नी बैठा एं भूठा गी तू ,
 की पराए पर तू डु'ल्ली पवै 'नां ?
 गौह् पराए धरमै उप्पर ऐ तुगी ,
 मगर तू अग्यानता इच रहवै नां ॥ 14 ॥



रस्सी की रीतें दी बट्टनां मानुआं !
 किशती इस कन्ने नि अगें ठि'ल्लनी ।
 जो विधाता ने ऐ पाई करम- लीक ,
 रक्ख चेत्ता, ओ कदे नेई हिल्लनी ॥ 15 ॥



की भला तूं खल्ल अपनी द्रोढ़ी आ ?
 गड्डियै मेखां ए इयां रेढ़ी आ ?
 बीऽ कोई तूं बीजेआ ऐ, दस्स हां ?
 आस फलने-फुल्लने दी केह्ड़ी आ ?

× × ×

उपदेश देना मूर्खे गी इयां ऐ ,
 गुम्बदै पर गीटे जियां सुट्टना ,
 जां खलाना गुड़ कुसं सानै गी, जे
 दुद्ध देई ओड़ग, मन इच्च इच्छना ॥ 16 ॥*



याद कर, भोगी जहूं ही गर्भजून ,
 कीता हा तूं ओसलै इक बायदा ,
 अपने जीदे-जी गै मरियै दस्स तूं ,
 सच्चै, तेरा होग उच्चा मरतबा ॥ 17 ॥



मूर्खा, ग्यानै दी ए गल्ल व्यर्थ ऐ ,
 कच्चे तेल्लै इच्च बब्बरू तल्लै की ?
 खर- दमागै लेई नि इसदा मुल्ल किश ,
 सुट्ट धरती इच्च नेईं करमै दा बीऽ ॥ 18 ॥



* जियां चम्यार मोए दे पशु दी खल्ल द्रोढ़ियै सुकाने आस्तै,
 मेखां गड्डियै तानदा ऐ, ऊआं गी माह्नु दा हाल ऐ । ओदी
 अपनी चमड़ी बी उऐ नेही खल्ल ऐ जेदी ओ परवरश करदा ऐ
 ते उसगी बासनाएं दे किल्लें कन्ने कस्सियै बछांदा ऐ ।

सागरै चा पानी लेना कठन नेईं ,
 सैहल छंडी ओड़ना बदलें दा जाल ।
 होई जंदा रोगें दा बी लाज, पर—
 मूर्खें गी तत्त समझाना मुहाल ॥ 19 ॥

खीर पुजगा मंजलै तोड़ी जरूर ,
 लगन ते श्रद्धा दी इत्थें लोड़ ऐ ।
 यथा- शक्ति समझी-बुझी जतन कर ,
 कौड़ा ऐ मिट्ठा, ते मिट्ठे च डाडी कौड़ ऐ ॥ 20 ॥*

मेरे गुरु ने इक्कै गल्ल गलाई ही ,
 बाहूरा दा अन्दरै गी तूँ जा दुरी ।
 इस्सै गुरु - मैतर दी लेइयें प्रेरणा ,
 मस्त होइयें नंगी औ नच्चन लगी ॥ 21 ॥†

* सिद्धी गल्ल ऐ जे सवर ते कठन साधना दा फल पिच्छूं मिट्ट
 होंदा ऐ ते भोग-बलास, जेह्ड़े पहलें सुख दिन्दे न, उन्
 नतीजा अन्त च दुखदाई होंदा ऐ ।

† गुरु दी सिख्या अनुसार, जिसलै अऊं बाहूरली दुनियां थमां मू
 मोड़ियें, अपने अन्दर परमात्मा गी तुप्पन लगी तां बाहूर
 सब किश मेरे लेई फजूल होई गेआ । इत्थों तोड़ी जे पिडे उप्प
 कप्पड़ें दा दखावा बी जरूरी नेईं रेहा ते मे इन्दा बी त्याग क
 ऐठी ।

जिस फड़ी तलवार, पाया राज-पाट ,
 सुरग श्होआ, जिन्ने कीत्ता पुन्न-दान ।
 अपने पुन्न- पापं दा मिलदा ऐ फल ,
 गुर- वचन पालो तां होऐ आत्मज्ञान ॥ 22 ॥



बुशकड़ी दी गंढ ढिल्ली होई दी ,
 देह् लिफी गेदी, लिफं जियां कमान ,
 देह् न-सती होई दी भारी पंड ऐ ,
 भार चुक्कं बी तां कियां मेरी जान ॥

× × ×

गल्ल साईं दी कलेजं खुड्भी गेई ,
 ओं गुआई बैठी दी ही उऐ बत्त—
 भार चुक्कं बी तां कियां मेरी जान ? 23 ॥



जेदा बर्णन कठन, ओदा नां ऐ केह् ?
 पुच्छेआ गुरुएं कशा में ज्हार बार ।
 पुछदे- पुछदे ओं ते हुट्टी- हारी गेई ,
 केह् ऐ ओ, जो सारियें गल्लें दा सार ? 24 ॥



जनम पाइयें ठाठ - बाठ निं मंगेआ ,
 तमा ते भोगें च मन नेईं रुज्भेआ ।
 दुख, गरीबी गेई, प्रभु गी पूजेआ ,
 स्हाबा दा खाना गे सुद्धा- बुज्भेआ ॥ 25 ॥



सिद्धी इत्थें आई, सिद्धी जाड में ,
 सेध अपनी, त्रेढें'शा फी डरग की ?
 जानदा ओ बी मिगी ऐ मुंढा'शा ,
 जानू-पनछानू गी उब्बी करग केहू ? ॥ 26 ॥



खाओ-खाई इच्च श्होना कक्ख नेई ,
 बरत - फाके रक्खियै आवें हंकार ।
 खाने - पीने इच्च संजम गै खरा ,
 खुल्ली जाडन अक्खीं अगें बन्द द्वार ॥ 27 ॥



भाखा ई जे होंदा ऐ सन्दोख के ?
 दिन - ध्याड़, रातीं दा न्हेरा ऐ ए ।
 बिज्ज ऐ ए गासा उप्पर कड़कदी ,
 उसदे दुआलें मिलकदा घेरा ऐ ॥

×

×

×

सुट्टी अपने-आपा गी चक्की दे बिच्च ,
 आपू गै पोहना—खुआंदा ऐ सन्दोख ।
 जे तेरे इच्च सबर ऐ, तां आपू ओ—
 कच्छ तेरें ओग, तेरा होग मोख ॥ 28 ॥



काहू लेआ मेरे मना ! इन्ना नि डर ,
 साईं गी ऐ रात - दिन तेरी फिकर ।
 मुक्ति ताईं रौह, उदे गं गोचर ,
 मस्त होइयं उसदा गं बस जाप कर ॥ 29 ॥



खाने - लाने दिये सुख - सुबधाएं 'नै
 शांति हिरदे दी नेईं आँदी ऐ हत्थ ।
 छोड़ी - छाड़ी सब अमेदां भूठियां ,
 खुश रेहू वं जेहड़ा, उसी थहोंदी ऐ बत्त ।

× × ×

शास्तरें गी पढ़िये - सुनिये ते कदें
 जन्दा नेईं ऐ चित्ता चा मौतो दा भौ ।
 कर्ज लेइयें जे तूँ ऐशां नेईं करें ,
 नंदा कन्ने जाग तूँ, नंदा'नै सौ ॥ 30 ॥



देहू-धारी माहनुआ ! रुज्भा रेहा
 तूँ तनै दी फिकर- चिन्ता इच्च गौ ।
 तूँ शरीरें गी रेहा शंगारदा ,
 रुज्भा दा बस साज- सज्जा इच्च गौ ॥

× × ×

'राम - तलबी च शरीरै गी सदा ,
 भोगे कन्ने पालदा जेकर रेहा ,
 तुप्पे दे लग्भग नि इसदी स्वाह् बी ,
 इक्क बेल्ला खीर औना ऐ नेहा ॥ 31 ॥



श्रद्धा कन्ने इस शरीरा इच्च तुप्प ,
 इससे इच्च बसदा नराला रूप ओ ।
 तज्जी ओड़ें लोभ, मोह ते काम जे
 इससे चा फुट्टी पवें बस्स लो गें लो ॥ 32 ॥



ठंडू 'शा बचने गितें गें टल्ले ला ,
 भुक्ख चुक्की जा जिदे 'ने इन्नी खा ।
 आतमा, परमातमा पर कर बचार
 अपने आपा गी मनां ! इयां चलाऽ ॥ 33 ॥



त्रेह् ते भुक्खें 'ने तन तड़फायां नेई ,
 तन गें साधन ऐ, इदे 'ने कार कर ।
 मार लानत फाकें, नत्तें, बरतें गी ,
 करम चंगा इयें जे उपकार कर ॥ 34 ॥



जान देआं हत्था मन- खोत्ते गी नेई ,
 खाग लोकें दियां केसर - ब्यारियां ।
 भोगनी पौगी तुगी गै फी सजाऽ ,
 नंगै पिंडे खागा चोटां भारियां ॥ 35 ॥*

क्रोध, लालच, काम ते हंकार नेह ,
 शत्रुएं दा जो करी सकदे न नाश ,
 ओ मुनस, होइयै नचिन्ते, चित्त च
 होई जन्दे मन थू लोकें दे दास ॥

× × ×

उस्सै इच्च ईश्वर दे लेई ऐ चाहना ,
 उस्सै गी ईश्वर दे कन्ने प्यार ऐ ,
 उस्सै जिज्ञासु दिये नजरें च ए—
 सारा किश मिट्टी ऐ, बस्स निस्सार ऐ ॥ 36 ॥†

* अपना गै मूरख मन खोता ऐ, जिसी खुल्ला छोड़गे तां इद्धर-
 उद्धर मूंह मारियै स्हाड़े आस्तै यातनायें गी स्हेड़ग ।

† प्रथा अनुसार ए आखेआ जन्दा ऐ जे समुन्दरै दी सतह दे हेठ
 इक भयानक अग बलदी ऐ जेह्ड़ी जेकर फुट्टी पवै तां सारी
 दुनियां गी फूकी सुट्टै । माह्नू दे मन दिये परतें खल्ल बी
 ईरखा ते रोहै दी अग खटोई दी ऐ । जे इसी संजम कन्ने
 बश नेई कीता जा तां ओ अन्तःकरण गी फूकी ओड़दी ऐ । जे तू
 इन्सान बनियै इनें ऐवें गी तोलें, तां इन्दा कोई बजन जां महत्व
 नेई ।

काम क्रोध ते लोभ न हत्यारे-जन ,
 सबनें'शा पेह्लें तूं इन्दा नाश मार ।
 अगर कीती खुंभ एह्के कम्मै च ,
 अपने तीरें 'नै ए करडन तूई शकार ।

× × ×

शांत होई जा इन्दी सब परचंडता ,
 सोची - समझी, दे इनेंगी नेही खराक,
 चंगी चाल्ली पक्क समझी - बुझी लै ,
 किन्नी असलीयत ऐ इन्दी, किन्नी धाक ? 37 ॥



कोई गालीं देऐ, आखें मन्दड़ा ,
 जो जिसी रुचदा, मिगी आखी फिरै ,
 चाड़ियै सद्भावना दे फुल्लें गी ,
 कोई मेरी भाएं आनियै पूजा करै ,

× × ×

मी निं छूह्नी मैल, नां होना असर ,
 हर दशा इच मेरा इक्कै स्हाब ऐ ।
 दस्सो हां, इस हालती च कुसै गी—
 नेहियें गल्लें 'नै के हुन्दा लाभ ऐ ? 38 ॥



देऐ कोई गालियां भाएं हजार ,
 मन मेरा फी बी कसैला होग नेई ।
 जे ते ओं शंकर दी सच्ची भगत ओं ,
 स्वाही कन्ने शीशा मैला होग नेई ॥ 39 ॥



जानदा, बुझदा भलोका बनी जा ,
 सत्था हुन्दे - सन्दे नेत्तर- हीन बन ।
 सुनदा रौह् सबने दियां, बो आपू तू—
 धारी लै जड़-रूप, गुंगा, दीन बन ।

× × ×

मेलदा रौह् दूएं दी तूं हां च हां ,
 कोई जो आखें, तूं उसी उऐ सुनाऽ ।
 तत्त - ग्यानी दा इयै अभ्यास ऐ ,
 इयै नेहा हाल तूं अपना बनाऽ ॥ 40 ॥



मन तेरा ते इक समुन्दर ऐ अपार ,
 तैह् च भांबड़, अग ते तूफान ऐ ।
 रोहै दे भांबड़ न, निन्दा दी ऐ अग ,
 सोच, इसगी तोल, तूं इन्सान ऐ ॥ 41 ॥



कन्त मेरे सुनन, नां गै दिक्खै अक्ख ,
 माढ़ी - चंगी होन दे, जे होंदी आ ।
 जे मनां ! सुनचग तुगी आला उदा ,
 न्हरे इच्च बली पौग अन्दरला दिया ॥ 42 ॥

लाज दी सौंगल मेरी कुस दिन कटोग ?
 होंग जहूँ अऊं तान्ने-मीणे जरने-जोग ।
 लाज दी चादर मेरी कुस दिन फकोग ?
 घोड़ा चंचल मनै दा जिस दिन थमोग ॥ 43 ॥

पढ़दे - पढ़दे जीभ, तालु धस्सी ने ,
 नेई मिटी दुबधा मना दी, के करां ?
 मालां फेरी - फेरिये हुट्टी गेई ,
 जुगती अऊं हुन साधना दी के करां ? 44 ॥

बाचदे, इयां अनाड़ी पोथियां ,
 जियां तोते पिजरे इच्च राम- राम ।
 मक्खनं तं पानी जियां रिड़कना ,
 "अहम्" दी गै बधदी ऐ एदे'नै हाम ॥ 45 ॥

गीता पढ़ना, इक दखावा ऐ छड़ा ,
पाठ मिम्मी गीता दा कीता बड़ा ।

× × ×

पाठ ते ऐ संहल, औखी साधना ,
आतमा दी खोज, सूखम ते कठन ।
साधना इच सारे शास्तर भुल्ली मे ,
चेतना दे नन्दे इच होई मगन ॥ 46 ॥



उब्भी पढ़ेआ, पढ़ने इच आया नि जो ,
जेहड़ा पढ़ेआ, कीता ओदे पर अमल ।
जंगलै चा शेर फड़ेआ ते उसी—
गिददड़ै साहीं करी दित्ता निसल ।

× × ×

सिख्या जेहड़ी बी दित्ती दूएं गी ,
पेहलें उस पर आपूँ चलिये दस्सेआ ।
फिर गै गुज्झा भेत जाइयें खुल्लेआ ,
तां गै होआ ग्यान, सब किश सोधेआ ॥ 47 ॥



राज करिये इस मनै गी चैन नेईं ,
राज छोड़ी बी तसल्ली नेईं करै ।
लालचै थों मुक्त, माहनु अमर ऐ ,
असल ग्यानी ओ, जो जीन्दे-जी मरै ॥ 48 ॥



जेह् कड़ा में कम्म लें, पूरा करां ,
 भार एह् का चुक्किये परसन्न आं ।
 बख गै निश्काम सेवा दा मजा ,
 फल इदा दूए गी जा, आँ धन्न आं ।

× × ×

मेरा सब्बे किश समर्पण ऐ उसी ,
 एदा उसदे हत्थ गै परिणाम ऐ ।
 जित्थे कुधरें बी दुरी जन्नी आं अऊं ,
 दूएं दा होंदा भला निश्काम ऐ ॥ 49 ॥



अन्ने सांहीं बाह्,र की एं तलोफनां ?
 अन्दरें दी सैर तूं कर हां, मनां !
 जा नि कुधरें, इयै शिवजी दा थहड़ा ?
 गल्ल आँ सच्ची गलान्नी आं मना ! 50 ॥



प्राण - वायु अन्दरें गी खिच्चिये ,
 साहें गी जो करी लैदा ऐ अधीन ।
 उसगी लगदी भुक्ख ते नां गै त्रेह् ,
 इन्दे'शा होई जन्दा उसदा मुक्त जीन ।

× × ×

जो कोई अभ्यास प्राणायाम दा ,
 चंगी चाल्ली करी सकै जे खीर तक ,
 ओ जियां भगवान दा गै रूप ऐ ,
 दुनिया इच्च ऐ जीन ओदा सार्थक ॥ 51 ॥

गगनचारी ऐ मना दा घोड़ा ए ,
 बद्ध अन्धी कोला एदी चाल ऐ ।
 ए खिनै इच्च टप्पी जन्दा रस्तें गी ,
 जोजनें - बद्धी ए इसदी छाल ऐ ।

× × ×

बेग इसदा थम्मी लै जेकर कोई ,
 पाई बुद्धि ते विवेक दी लगाम ।
 जुड़में प्राण - अपान पे ह्ये रोकिये ,
 सफल होई जन्दा ऐ साहनु साम-धाम ॥ 52 ॥

ला निरन्तर अमरता दा गै सुराग ,
 जे दना बी खुभेआ, मन भटकी जाग ,
 फगड़ी हत्थे इच्च, इसदी कर सम्हाल ,
 दुद्ध पीन्दा माऊ दी गोदी च ऐ बाल ॥ 53 ॥

कुन मरै, ते मारना कुसगी ऐ दस्स ?
 भुल्लिये "हर-हर" जड़ा "घर-घर" करै,
 दुनियांदारी इच्च जो रुज्जे दा ऐ,
 मारना उस्सं गी ते ऊऐ मरै ॥ 54 ॥

मन-बछेरे गी जो पा ग्यानी लगाम,
 श्रद्धा कन्ने गुरु गी जो धारी लै,
 काबू करिये इन्द्रियां, ओ नन्द लै,
 कियां कोई नेहू गी इत्थे मारी लै ॥ 55 ॥

एह्का चक्कर जानदी ऐ मुट्ट गै,
 चक्की जियां डोल फिरदी जन्दी ऐ।
 ए फिरै तां निकलदा आटा बरीक,
 कनक अपने आप पुजदी जन्दी ऐ ॥ 56 ॥

शिव ते ऐ सारै व्यापक थाह्र थाह्र,
 भेद नेईं कर, हिन्दू ऐ जां मुसलमान।
 चाहन्नां एं जे मालका गी जानना,
 होश कर चात्त, तूँ अपनापन पछान ॥ 57 ॥

झूठ, मकर, फरेब सब किछ छोड़ेश्रा ,
 इयें सिलया ही मन दे अनुरूप ।
 अन्न खाने च कुसै 'नै छिन्ना की ?
 सबनै इच में दिखलेश्रा उसै दा रूप ॥ 58 ॥



मूर्खा ! ए कोई चंगा कसब नेईं ,
 बरत रखना ते दखावे दी सजौट !
 साम्बदे ते सुआरदे रोहना सदा ,
 इस शरीरं दा शलपा ते बनीट !

× × ×

काया दी हर वक्त चिन्ता ते फिकर ,
 मूर्खा ! नि कम्म कोई बशेश ऐ ।
 आत्मा दा ध्यान, चिन्तन, मनन गै
 भोलेआ ! ए सच्चा इक उपदेश ऐ ॥ 59 ॥



बलि दा बकरा समझ तूं पंज तत्त ,
 मुट्ठा, तगड़ा खूब इस गी करदा जा ।
 इसगी तूं कुरबानी ताईं कर त्यार ,
 ग्यान-रूपी चारा तूं इसगी खलाऽ ।

× × ×

बलि दे इस दी, जे होएं सुखें ,
 उच्च पदवी पाने दा तूं ध्यान कर ,
 सज्जा, खट्वा मार्ग दोऐ इक न ,
 इन्द्रिये गो पंहलें तूं कुरवान कर ॥ 60 ॥*



अपने कैंतें दे सुग्रागत आस्तें ,
 उठु, करी लेंचे तयारी लाजवाव ।
 शैल खाने दी सजाई लेंचें परात ,
 फड़िये हथ्ये इच हिरखें दी शराव ॥

× × ×

सफल होई जन्दी तेरी ए साधना ,
 “ओम्” दा होई जन्दा जेकर ग्यान ऐ ।
 दस्स हां मी शोख, चंचल मूरते !
 नेही पूजा इच केह् नुकसान ऐ ?

× × ×

हथ्य पूजा दी समगरी फड़ी लें ,
 उठठ देवी - पूजा तांई हो त्यार ।
 ग्यानिये इच बेहिये करेआं मनन तूं ,
 होई जागी ओदी जे तूं जानकार ॥ 61 ॥

* संकेत ए ऐ जे इन्द्रिये गो कावू करी लेंने दे ब्राह्म पूजा-साधना
 दे सब्ब तरीके इक होई जन्दे न । अगर तूं “वाम मार्ग” वी
 अपनागी, तां वी कोई फर्क नेई पौग । पर, शर्त ए ऐ जे
 विशय-वासनां थमां मुक्त होई जा ।

ग्यान - मारग इक सुहामां बाग ऐ ,
 जेदे इच उगगे दा सैला साग ऐ ।
 सबर, संजम, चंगे करमें गी रलास ,
 सांभ कर, एदे चबवखे बाड़ ला ॥

पिछले जन्में दा तेरा कमें दा फल ,
 पशु- बलिया सांही आपूं सम्भी जाग ।
 बाग होई जाना ऐ खाल्ली अपने- आप ,

पशु चरदा - चरदा सबजा खाई जाग ॥ 62 ॥*

* कर्म दो प्रकार दे न । इक ओह् कड़े जेह् के पिछले जनमै च कीते गेदे होन ते जिन्दा फल अजे मिलना होऐ । दूए कर्म ओ न, जेह् डे इस जन्मै च करने न । दोनै तरहे दे कर्म दा फल भोगना पौंदा ऐ । इस छुट मुक्ति नेई मिलदी ।

ज्ञान - मार्ग दे बागै च जेह् डा साग उगगे दा ऐ ओ मजूदा जन्मै दे कर्म न । इनैंगी बाह् रले प्रलोभने थमां बचाई रखना लोड़चदा ऐ । इन्दा बचास सबर, संजम ते अध्यात्मक जतने कन्ने गै होई सकदा ऐ ।

इस बागा च बाह् रला सब किछ मनह ऐ । एदे बिच जिनै भिड्डे - बकरिये गी चरने दी अजाजत ऐ, जिन्दे भागें च बलि होई जाना गै वदे दा ऐ, ओ पिछले जनमें दे कर्म गै न जिन्दा फल मजूदा फसल जां करम न ।

चंगे कर्म दे घेरे इच आइयै ए भिड्डां-बकरियां घास खाने पर मजबूर होई जन्दियां न । उस बड्डी आतमा दे अगें इनै बककरिये दी बलि देने कन्ने पिछले जनमें दे कर्म दा फल समाप्त होई जन्दा ऐ । इयां आतमा कर्म दे चक्करै चा निकलियै परमात्मा च जाई समांदी ऐ ।

सदियेँ इच छत्त चौंदी, रुकदी नईं
 कुन फड़ी सकदा ऐ मुट्ठी इच ब्हाऽ ।
 इन्द्रियेँ दा जो करी लेंदा दमन ,
 लाई लेंदा न्हेरे च लोई दी थाह् ॥ 63 ॥



माने ते परसिद्धि दा इन्ना ऐ सार ,
 छाननी इच साम्भनी पानी दी धार ।
 दावा जिसगी पेंहलवानी दा बड़ा ,
 ब्हाऊ गी मुट्ठी च करे हां बन्द ओ !

× × ×

जां फी दस्सेँ हाथिया गी बन्नियेँ ,
 सिरं दे बालेँ दी लेइयेँ तन्द ओ ॥
 करियेँ दस्सेँ जो कोई बी ए कमाल ।
 पक्की गल्ल ऐ होई गेआ ओ ते निहाल ॥ 64 ॥



इयेँ ते खटदी ऐ तेरी लाज, शरम ,
 इयेँ लगन दिन्दी नि तुगी सीत, ठार ।
 उंआं बी ते एसदा कोई भार नेईं ,
 सिर्फ घाऽ ते पानी ऐ एदा अहार ॥

× × ×

दस्स हां ए गल्ल मूरख पंडता !
 सिक्ख दित्ती ऐ तुगी कुसनें भली ?
 तू लुआन्नां बट्टें गी ते भोग एं ,
 जींदे प्राणी दी तू जाई दिन्नां बली ॥ 65 ॥

मूरती, मन्दर इनें दौन्नें दा गे—
 पत्थरें 'नें होआा दा निरमान ऐ ।
 अग्गे - पिच्छें, ख'ल्ल - उप्पर दौनें दे ,
 पत्थरें दा तत्त गे प्रधान ऐ ॥ 63 ॥

दरसी जायां पंडता, मी इन्नी गल्ल ,
 कोदी पूजा करनां एं ते कोदा जाप ?
 जन्नीं, बट्टें इच्च तुई थोना ऐ केह् ?
 कर मनं दा आतमा कन्ने मलाप ॥ 66 ॥

धूफ, कुश, जल, फुल्ल, तिल नेइं लोड़दे,
 गुर-वचन सच्चे मनं 'नें मन्नी लें ।
 श्राद्धा कन्ने सिमरना नित शम्भु गी
 काफी ऐ, ए गल्ल गंदी ब'न्नी लें ॥

लीन परमानन्द च ओ होई जा ,
 इयां जो परमेसरै गी ध्याई लै ।
 कमें दे जंजालै 'शा ओ छुड़की जा ,
 नेहा माहूँ खीर मुक्ति पाई लै ॥ 67 ॥



दस्स हां, माली ऐ कुन, मालन ऐ कुन ?
 फुल्ल केहूँ, केहूँ पूजा दा समान ?
 कोहूँ कड़ा सर जित्युआं दा पानी लेई—
 ठौगरें गी तूँ कराना ऐ सनान ?

× × ×

ए ते होआ, हून तूँ इन्ना सुनाऽ,
 कोल तेरे ऐसा केहूँ, मैन्तर ऐ,
 जेदे म्हातम कन्ने होई साक्षात,
 तुगी आखर लब्धी जाना शंकर ऐ ? 68 ॥



सुन मैं दस्सां, असलै इच माली ऐ मन,
 मालन उसगी पाने दी ऐ साधना ।
 भावना दे फुल्ले कन्ने पूजा होग,
 चन्ने दे अमरत'नै इसी ऐ तुहालना ।

× × ×

अपने डूँहगे मन अन्दर डुब्बियै ,
 सैन्तरे दा, मौन गै करना ऐ जाप ।
 फिरी अपनी आत्मा दे दिच्छा गै ,
 अगट होना ऐ ओ शंकर अपने-आप ॥ 69 ।*



अर्घ, चंदन, फुल्ल, जल, सब किश ऐं तू ,
 रात, दिन, वायु, तुं ऐं धरती, शमान ।
 जब तुं ऐं हर चीजें इच समाए दा ,
 भेंट के देखां तुगी, होई गेई आं रहान ॥ 70 ॥



समझदा ऐ ब्रह्मा - रन्धर गो जड़ा
 इक उस परमेश्वर दा गै स्थान ।
 स्वास काबू करियै मुनी लैदा जड़ा ,
 गूँजै करदी 'ओम्' दी अनहद, तान ।

× × ×

* इत्थें, चली आवै दी रीतीवादी ते हौले दर्जे दी पूजा-साधना दे विरुद्ध आध्यात्मिक चिन्तन दी श्रेष्ठता दस्सी गेई ऐ । रहस्यमय चक्र, माह्नु दे गै मस्तिष्क च "सहस्रार" नां दे थाह्ना इच ऐ । रस जां अमरत दा अर्थ ओ ज्ञान ऐ जेह्ड़ा साधक दी आत्मा इच व्यापी जन्दा ऐ ते उसी अपने आप दा स्वामी बनाई ओडदा ऐ । मैन्तर, ओ मौन साधना ऐ जिदे इच साधक चुप्प रेहियै प्राणायाम करदा ऐ । जिस चन्द्रमा दा इत्थें जिकर ऐ ओ माह्नु दी जात थमां बक्ख नेई ।

उस मनुक्खँ दा मिटी जन्दा ऐ भरम ,
 मुक्की जंदी ऐ मन दी भटकना ।
 ब्रह्म दा गे अंश होई जन्दा ऐ ओ ।
 कुन करै, कुसदी करै फी प्रार्थना ? 71 ॥*

मूँहा निकलँ जिसदे बस ओम्, ओम् ,
 आतमा - परमातमा इच पुल बनै ,
 मेंतर ऐह्का जेदे चित्ता च समाऽ ,
 ओ कोई फी होर मेंतर की पढ़ै ? 72 ॥

शिव होऐ, विष्णु होऐ, ब्रह्मा होऐ ,
 भाएं गौतम - बुद्ध नां उसदा पवै ,
 जो मिगी, अबला गी, दुक्खें'शा छुड़ाऽ ,
 नाम उसदा फी भाएं किश बी रहवै ॥ 73 ॥

बद्ध बित्ता 'शा अऊं लाई बैठी आं जोर,
 तुपदे-तुपदे अऊं ते हुट्टी गई आं 'लल्ल'।
 कुंडी दरवाजे दी लबभी मी जदूँ—
 दिक्खेया जिज्ञासा कन्ने ओदे अल्ल ।
 लालसा दिक्खने दी, पर बधदी गई ,
 ते में उसदी तक्कं इच बंठी रेही ॥ 74 ॥

* "ब्रह्मरंध्र" उस थाहूँरा दा पारिभाषिक नां ऐ जेह्ड़ा मस्तक
 अगले हिस्से इच ऐ । केई इसी रीढ़ दी नली इच समझदे त ।
 अनहद नाद, "ओम्" दी गूँज ऐ, जेह्ड़ी ब्रह्मानन्द दी असीमता
 व्यापी दी ऐ ।

भैली रेही नेईं बासना, थहोआ ऐ चैन ,
 प्रीत दे खरलै च पीह, लैता ऐ मन ।
 भुन्निये अगगी च इस गी चक्खेआ ,
 खवरै इस 'नै जीन थहोंदा जां मरन ?

× × ×

अक्खिये 'नै दिक्खां, कन्ने 'नै सुनां ,
 तां नेईं अऊं सोई दी, नां मरना में ।
 अऊं सदा जौंदी छां । दिक्खेआ-सुनेआ जो
 प्रगट उसयी आल्ली ते करना ऐ में ॥ 75 ॥



जे उसी पाने दी ऐ तुई लालसा ,
 शम ते दम बी एदे ताईं कक्ख नेईं ।
 कामना'नै खुलदा नेईं ऐ मुक्ति-द्वार ,
 छड़ी इस उप्पर गं आसा रक्ख नेईं ।

× × ×

जियां घुलदा जन्दा ऐ पाती च लूण ,
 उसदे ध्याना इच तूं भाएं रौह, मगन ।
 फी बी दुर्लभ अति उसदी कल्पना ,
 फी बी उसगी समझी लैना ऐ कठन ॥ 76 ॥



भाएं दिता उसी अनसम्भा कलेश ,
 माऊ दे ढिङ्डा चा जम्मे होनहार ,
 परती -परती रौह्न् आए इस्सै थाह्न् ,
 इस्सै दरवाजे दा कीता इन्तजार ॥

× × ×

“शिव दा पाना औखा ऐ, नेइयों असान ।”

इयें ई उपदेश, इसदा रक्ख ध्यान ॥ 77 ॥



सिला दी गै बौह्न्ने आली चौकी ऐ
 पद्धरी शिड़कं दी सिल गै जान ऐ ।
 नजर मारो चक्किया दे पुड़ें पर ,
 उत्थें बी ते सिला दी गै शान ऐ ॥

× × ×

“शिव दा पाना औखा ऐ, नेइयों असान ।”

इयें ई उपदेश, इसदा रक्ख ध्यान ॥ 78 ॥



दिन्दा सूरज हर जगह परकाश ऐ ,
 थागदा नेईं ओ छड़े उत्तम गै थाह्न् ।
 वरुण घर-घर बौढ़्न्ने 'शा रौह्न्दा नेईं' ,
 ठो'रदा ओ आनियें हर-इक द्वार ॥

× × ×

“शिव दा पाना औखा ऐ, नेइयों असान ।”

इयें ई उपदेश, इसदा रक्ख ध्यान ॥ 79 ॥



मनै दी शक्ति कन्ने अगर अऊं ,
 नाड़िये पर काबू पाना जानदी ,
 कट्टी - बडडी फी इनें गी समेटना ,
 भेत एह्का जे कदे पनशानदी ,

× × ×

जाच आई जन्दी मिगी जेकर ए, “लल्ल”,
 बस खिनें इच सब कटोई जंदे कलेश ।
 मिगी आई जन्दा रसायन घोटना ,
 आत्मक अनुभव मिगी होंदा बशेश ।

× × ×

“शिव दा पाना औखा ऐ, नेइयों असान ।”
 इयें ई उपदेश, इसदा रक्ख ध्यान ॥ 80 ॥



माऊ दे रूपे च इयें दुद्ध पलाऽ ,
 त्रीमतू दा रूप बी इस्सें दा खास ।
 खीर इयें धारदी मौती दा रूप ,
 प्राण तक लेई लेंदी, करदी सत्यानास ॥

× × ×

“शिव दा पाना औखा ऐ, नेइयों असान ।”
 इयें ई उपदेश, इसदा रक्ख ध्यान ॥ 81 ॥



सब शरीरें इच बस्सी गेदा ओ ,
 शिव व्यापक सारें जियां म्हीन जाल ।
 जीदे-जी नेईं होई जे ओदे 'नं भक्त ,
 मरिये फी मिलना उदे 'नं ऐ मुहाल ।
 परख करिये चंगी चाहली, कर बचार ।
 अहं अपने आपा चा तूं कड़ढ बाहूर ॥ 82 ॥



ठंडू कन्ने पानी जम्मै, बनै यख ,
 जां फी बरफू दी शकल लेई लेंदा ऐ ।
 करचें बिन्द बचार, सब्बै इक न ,
 बस्त इक्कै, मगर इसदे रूप त्रै ॥

× × ×

चेतना दा चमकदा सूरज जदूँ'
 सब्बै होई जन्दे न उसलें इक्क नेह् ।
 सब चराचर जगत लभदा इक्क-रूप ,
 रौह्दा ऐ फी शिव गै; शिव दे बाज के ? 83 ॥



हस्से, खंघें, निच्छ मारें, बासी लें ,
 तीर्थें उप्पर करे जाइये सनान ।
 ते फिरे नंगा - मनुंगा लूर- लूर ।
 ओ ऐ तेरे कच्छ गै, तूं कर पछान ॥ 84 ॥



अस्त सूरज होऐ, फँले चाननी ,
 चाननी बी अस्त होई जा, रहवै चित्त ।
 चित्त होई जा अस्त, रौह्दा किश नेई ,
 मिली जा अपना बी ब्रह्मांडे च बित ॥ 85 ॥*

मेल सारी मन दी धोई लेई ,
 एदिये इच्छाएं गी बी कीता वश ।
 भोल्ली इस अगें फलाई जदू दी ,
 आऊं होई मशहूर अदुआं दी आं बस्स ॥ 86 ॥

चमकेआ बत्ता, मेरी तलिये दा चम्म ,
 इक मिलेआ, पाया मी इक्कै दी राह ,
 'लल्ल' सुनी बैठी 'सवं दी इक्क गल्ल ,
 ए सुन जेह्ड़ा बतोई की नि जा ? 87 ॥

* सूरज, चन्नै थमां इत्थे मुराद साधना दे खलके ते उपरले दर्जे न ।
 सूरज दे तेज ते चन्नै दी सौम्यता करी इनेंगी राजस ने सात्विक बी
 आखेआ जाई सकदा ऐ । जिसल ध्यान दी अवस्था च ए दर्जे बी
 नेई रौह्दे तां साधक गी चिन्मयता दे अलावा किश बी सेही
 नेई होंदा । ओ परमशक्ति इच लय होई जन्दा ऐ ।

रात मुक्कै दी ही, डुब्बै दा हा चन्न ,
 उस घड़ी पागल मनै गी साम्भेआ ।
 खूब समझाया इसी भंजोड़ियै ,
 देई इसी परमार्थे दी सिख्या ।

× × ×

सुफल होई संहन करनी बेदना ,
 की जे मन ओदे 'नै गै लगा रेहा ।
 'अऊं गै लल्ल आं, अऊं गै लल्ल आं' आखिपै,
 अपने प्यारे इश्ट गी में सहेआ ।

× × ×

दस्सै इन्दरिये दा मेरा ए शरीर ,
 ओदे 'नै मिलिये होआ पावन अखीर ॥ 38 ॥



मुक्के तैतर, मैतर दा रेहा बित्त ,
 मैतर होई गे खतम, बाकी रेहा चित्त ।

× × ×

खीर चिन्तन-तत्त बी होई जन्दा खीन;
 चित्त होआ लाप बचेआ कक्ख नेई ।
 होई गेआ शूनन बिच गै शूनन लीन ,
 इक-दूए 'शा रेहा किश बी बक्ख नेई' ॥ 39 ॥



कल्पना दा छोड़ लड़, दुर्लभ ऐ ओ ,
 लोभ तज्ज, परमेसरा दा कर बचार ।
 ओ ते तेंरे कोल गै, तुप्पै नां की ,
 दूरें - दूरें होइयें खज्जल - खुशार ? ॥ 90 ॥

चित्त - घोड़ा फगड़ेआ पाइये लगाम ,
 नाड़ियें दस्से दे जतने ब'ने स्वास ।
 तददं चन्नं दी कला पिघली कुतं ,
 उतरियें मेरे तनं इच कीता बास ॥ 91 ॥

लालसा, आसा थूं खाली होआ मन ,
 होई आं कबता- रसे इच में मगन ।
 काली रातीं आंगूं न्हेरा मनं दा ,
 होई गेआ ऐ दूर, लगी नेही लगन ॥ 92 ॥

लेई जगाई चन्द्रमा दी कला में ,
 आइयां छें जंगलें चा लंघियें ।
 प्रान - अभ्यासं 'न सारी प्रकरती ,
 खीन होइयें मेरे अगें संघी ऐ ॥

× × ×

प्रीत - अगगी इच भुन्नी लैता मन ,
तां मिले शेंकर, सुफल होई मे जतन ॥ 93 ॥ *

जेल्लें में अपनाई लैता ओंकार ,
देह तपानी पेई, जियां सकदा ऐ डार ।
छोड़िये छे मार्ग, सतमें पर दुरी ,
तदू पुज्जी 'लल्ल' अऊं लोई दे थाहूर ॥ 94 ॥ †

ऐं तूएं परमेसरा, सब जानीजान ,
दस्स हां, ए भेत केह्ड़ा खास ऐ ?
भरदी रौह्नी आं में कं'ल्ली ठंडे साह् ,
गरम की होई जन्दा मेरा स्वास ऐ ? ॥ 95 ॥

* माह्नु दे अध्यात्म शरीरै इच छे चक्कर जां शक्ति दे छे थाहूर
न, जिनेगी छे जंगल आखेआ गेदा ऐ । ए छे जंगल दुनियावी
प्रलोभनें ते आकर्षनें दे केन्दर न । इक चा निकलिये आदमी
दूए च फसी जन्दा ऐ । इयै आदमी गी बाहूरली दुनियां च क
करने गी ते उससै गी वास्तविक समझने ताईं प्रेरदे न । ज्ञान
प्राप्त करने ताईं पैह्लें इनें चक्करें चा निकलना आवश्यक ऐ
मतलब ए जे इन्द्रियें गी अपनै बश करना जरूरी ऐ ।

† इत्थें बी छे रस्ते उऐ दुनियावी प्रलोभनें दे चक्कर न । इनें
लघने बाद गी सतमीं ते खीरली मंजल उप्पर पुज्जेआ जाई सक
ऐ ते पूर्ण ज्ञान होई जन्दा ऐ ।

नाभी इच बलदी चिखा जठर-अगनी दी ,
 सीस, शीतल चन्द्रमा दा बास ऐ ।
 इस्से ब्रह्म - स्थान इच बगदी नदी ,
 तां गै ठंडा साह, ते ततर स्वास ऐ ॥ 96 ॥



इन्द्रियें दा करदी रेही पल-पल दमन ,
 दीया बलेश्वर मन दा, होई पछान ।
 में खलारी बाह्र सब अन्दर दी लो ,
 घोटियं फड़ेआ उसी, नेइं दित्त जान ॥ 98 ॥



हुट्टी, करदे अपने - आपा दी तपाश ,
 गुञ्जा इन्ना भेद, कियं होऐ ग्यान ?
 अऊं जज्ञव होई गेई अपने-आपा च ,
 होई गेई अऊं खीर ओदे गै समान ।

× × ×

अपने-आपा इच डुब्बो गेई जदू ,
 पुज्जी अऊं जिस थाह्र ओ हा सैकदा ।
 हे परोचे दे प्याले मुंहों - मूंह ,
 पर, कोई बी उत्थे नेईं हा पीय दा ॥ 99 ॥



धोई ऐठी मनै आली इयां मैल ,
 जियां होई जन्दा ऐ शीशा साफ-स्वच्छ ।
 ओ गै सब किश हा ते अऊं किश बी निही,
 दिक्खेआ उसगी जदूँ में अपने कच्छ ॥ 100 ॥

आखदे न करम दो, कारण न त्रै ;
 सौरी जा परलोक, इन्दा त्याग कर ।
 उट्ठ ते ए सूर्य - मंडल जित्ती लै ,
 मौती दा भै छोड़िये होई जा अमर ॥ 101 ॥

लाइये पिंडे प' बाना ग्यान दा ,
 खट्टिये रखें इसी तां होग ठीक ।
 'पद' जड़े ए सारे आखे लल्ल ने ,
 तूँ मनै दी पट्टी पर सब लिखदा जा ।

× × ×

ओम् दा गै चस्तकार होआ जे 'लल्ल' ,
 आपूँ होई गेई आतमा जोति च लं ।
 इस्सै लेई ते होई गेई आं मस्त अऊं ,
 दूर करी ऐठी आं अऊं मौती दा भै ॥ 102 ॥

खुल्ले गासा दी बरेती लंघिये ,
 पुज्जी जित्थे, मेरे उडुरी होश ने ।
 जिसले असलीयत पछानी लेई में ,
 गिल्ली मिट्टी चा कमल हे उगगी पे ॥ 103 ॥

आई संसारं च बनिये तापसी ,
 बुद्धि दी लोई न लबभी उसदी राह् ।
 अऊं मरां, कोई मरं, मी गरज के ?
 अौं मरां तां बाह्-बाह्, नेईं मरां तां बाह्-बाह् ॥ 104 ॥

आई में जगै च ही इस चाल्ती गै ,
 जियां कपास दी डोडी चा निकलै ए फुल्ल ।
 फुल्ले गी जद बेलने ने पीड़ेआ ,
 मेरा हुलिया गै बगाड़ी दित्ता कुल्ल ।

पिजेआ पेंजे दी पिजनी ने फिरी ,
 रेशा - रेशा करिये द्रेढी सुट्टेआ ।
 आनी खड्ढी पर जुलाहे दी मिगी ,
 पुट्ठा लटकाया ते कस्सी जुट्टेआ ॥ 105 ॥*

* इस बाखै च ते इस 'शा अगली बाखै इच "लल्ल" ने उने मरहलें
 दा जिकर कीता दा ऐ जिन्दे चा गुजरिये अपने आराध्य देवता
 तोड़ी पुज्जेआ जाई सकदा ऐ । कपाह दी डोडी थमां लेइयै इक
 सुन्दर रेजा बनने तोड़ी, जिन्नी यातना दस्सी गेई दी ऐ इस्सै कन्नै
 मिलदिये-जुलदिये कठनाइयें दा सामना साधकै गी बी करना पौंदा
 ऐ, तां कुतै जाइयै उसी आत्मज्ञान हुन्दा ऐ ।

फी मिगी धुब्बे ने त्रट्टेआ सिला पर ,
 सोडा - सावन लाइयै धोता खरा ।
 दरजियै कैची ने कतरे अंग-अंग ,
 तद् जाइयै "परमगति दा पद" थोआ ॥ 106 ॥

तूं ते करदा शुकर हा, हून के होआ ,
 लेइयै कुन नस्सी गेआ तेरे हत्था माल ?
 होई गेआ मूंह् ऐ घराटे दा बी बन्द ,
 चक्किया दे पुड़ें दी बी रुकी चाल ।

× × ×

लेई गेआ मालक घराटे दा तेरी—
 सब कमाई, तेरें लेई पेदा ऐ काल ॥ 107 ॥

जन्दा ऐ सन्यासी सारे तीरथें ,
 आतमा दे दर्शन दी लेइयै चाह् ।
 मनां ! तूं पढ़ी-लिखियै बी नेई अटकेआं,
 दूरा सब किश शैल लभदा ऐ बड़ा ॥ 108 ॥

केइयें घर त्यागे, जां फी बनबास ले ,
 मन जे काबू इच नेई, बेड़ा खराब ।
 र'ब नां जिस चाल्ली तूं उआं गै रौह् ,
 रात-दिन साहें दा पर रक्ख तूं हसाब ॥ 109 ॥

समे दे चक्कर दे कन्ने खतम कर ,
 लालसाएं - कामनाएं दा खलार ।
 इस्सं गल्लै गी मनै इच्च रक्खियै ,
 रौह् घरै इच्च, जोगिया जां बान्ना धार ।

× × ×

तूं उसी मिथगा जियां, जिस चाली बी ,
 उससे हालै इच्च पाई लंगा उसी ॥ 110 ॥



करदा ऐ निश्काम निस-दिन जो व्यहार ,
 जो जपै शिव शिव, चलै हँसै दी चाल ।
 'दूई' त्यागी मन जेह्ड़ा ओदे च ला ,
 होई जन्दा ओदे पर मालक दयाल ॥ 111 ॥*



किश न, जेह्ड़े सुत्ते दे बी जागदे ,
 किश न, जेह्ड़े जागदे बी सुत्ते रेह् ।
 किश, घरिस्ती होइयं बी निरलेप न ,
 न्हाइयं बी किश हे जड़े मेलै गै रेह् ॥ 112 ॥



* 'हंसै दी चाल' प्रसिद्ध सस्कृत सूत्र "सोऽहम्" दा गै बड़े रहस्यमय तरीके कन्ने बदले दा नां ऐ । "सः अहम्" गी अलटाओ, तां हंस बनी जन्दा ऐ । "हंस" आमतौरै च शिव कन्ने जोड़ेआ जन्दा ऐ, जेह्ड़ा मस्तिष्क दे स्थान "सहस्रार" बिच स्थित ऐ ते आत्मा कोला बक्ख नेई । जेल्लै दुविधा मिटी जन्दी ऐ, तां आत्मा तें परमात्मा इच्च कोई भेद नेई रौह्दा ।

बगदा नाडू, रोकना बी आई जा ,
 गासा उप्पर दुरने जोगा होई सकै ,
 होऐ भांबड़ सहालने दी जाच बी ,
 दुद्ध काठे दी गवै दा चोई सकै ,
 अकली दी गै खेड, सब ओदा खलार !
 ए ते ऐ सब कपट-छल दा चम्तकार ॥ 113 ॥



जिस सरै इच नेईं तिले जिन्ना बी थाहूर ,
 उस सरै इच सबने दी चुकदी ऐ त्रेह् ।
 हिरन लूमबड़, गेंडा, हाथी पानी दा ,
 सारे जमदे - सार गै एदे च रेह् ॥ 114 ॥



चेता औंदा, त्रै बारी इस भीलै च ,
 जल - प्रलय दा होआ हा-हाकार हा ।
 इक्क बारी छड़े ते गासा इच गै
 पैर धरने गी रेहा किश थाहूर हा ॥

×

×

×

पुल, जड़ा हरमुख थमां कौसर तगर,
 बनेदा हा, आव करदा याद ओ ।

शून्य हुंदी दिक्खी एह्की भील फी ,
सत्त बारी होई ही बरबाद ओ ॥ 115 ॥*

सिन्धु नदी दे पानी दी पीती शराब ,
मते कीते स्वांग, बदले केई रंग ।
किन्ने बारी मास खादा माह्नु दा ,
उऐ 'लल्ल' आं, आल्ली बी उऐ न ढंग ॥ 116 ॥

अस गं हे ते अस गं रौह्गे आइन्दा ,
मुंढा थमां जुग साढ़ा गं ऐ चलं दा ।

* आखेआ जन्दा ऐ जे पूर्णज्ञान होई जाने पर 'लल्ल' इच अपने पिछले जनमें गी चेता करने दी शक्ति बी आई गेई ही ।

इत्थे झीलँ दा अर्थ ऐ सिष्टि । एदे च पानी चढ़ी आने दा द्रिश प्रलय दी झलक दिन्दा ऐ । 'लल्ल' इयँ नेहियें त्रीं घटनाएं दा चेता करदी ऐ, जिसलँ सब किश जलमय होई गेआ हा ते पँर टकाने दी जगह बस गासा उप्पर गँ रेही ही ।

कश्मीर वादी दे उत्तरँ च हरमुख प्हाड़ँ दी चोटी ऐ ते दक्खनँ इच कौसर झील, जिसी कौसरनाग बी आखदे न । इनें दौनें दे बश्कार कश्मीर दी घाटी ऐ । हरमुख थमां कौसर तोड़ी पानी-गँ-पानी होई जाने दी सारत कश्मीर घाटी दे पौराणक "सती-सर" बल्ल गँ सेही हुन्दी ऐ, जिस बिच्चा पानी कडिढ्यँ कश्यप रिखी नै प्हाड़ँ दे मंझ सुन्दर कश्मीर घाटी दा नर्माण कीता हा ।

होंदा सूरज रौहू ग म्हेशां उदय-अस्त ,
 शिव दी स्त्रिष्टी ते प्रलय चलनी सदा ॥ 117 ॥

न्हैरा होगी, ए जहूँ दिन डुब्बी जाग ,
 भुंज जाग गुआची, कुधरै गासै च ।
 एस मस्सेआ चन्नै खाना राहू गी ,
 शिव-लगन, मन डोबी देग प्रकाशै च ॥ 118 ॥ *

पांदे चित्त-आनन्द, ग्यान-प्रकाश जो ,
 फी नेईं रौहूदे कुसं जंजालै च ।
 मूढ़ पांदे गंठ सौ - सौ आपूँ गै ,
 अगों गै गंजलोए दे इस जालै च ॥ 119 ॥

कुसै सरं चा चवै दी ऐ बून्द -बून्द ,
 कुन ऐ सुत्ता दा ते केहूँ जागदा ?
 शिव दा पूजन होऐ केहूँ बस्तु 'नै ,
 परम-पद केहूँ ओ तेरे'नै मलाऽ ॥ 120 ॥

* आखेआ जन्दा ऐ जे मस्सेआ दे ग्रहूणै च राहू सूरजै गी निगलै
 जाने दा जतन करदा ऐ । मगर 'लल्ल' आखदी ऐ जे ज्ञानमार्ग
 पर चलने आला बी ते न्हैरे चा लंघदा ऐ पर खीर उसी लो थहोई
 जन्दी ऐ ।

ज्ञानी गी लभदा ऐ जे सारी स्त्रिष्टी अन्धकार च डुब्बी
 गेई ऐ ते सिर्फ शून्य वाकी बचेआ ऐ । मगर चित्तं दा चन्द्रम
 राहू गी खाइयै उदय होंदा ऐ ते लो गै लो करी दिन्दा ऐ ।

सर न पंजै इन्द्रियां, चौंदा ऐ जल ,
 नींदरा इच्च मन ऐ, जागै आत्मा ॥
 आत्म-चितन - जल 'नै शिव-पूजा होऐ ,
 इयै केहूँड़ा परम-पद शिव 'नै मलाऽ ॥ 121 ॥*



काठी विष्णु. घोड़ा शिव, ब्रह्मा रकाब ,
 सज्जे दा ऐ साज, पूरा ऐ शंगार ।
 योगी योगै दी कला 'नै जानदे
 केहूँड़ा बनना देवता ऐ घुड़सवार ॥ 122 ॥



सारे व्यापी गुंज अनहद ओम दी ,
 शून्य-जन ब्रह्मांड, जिसदा बास ऐ ।
 जिसदा कोई वर्ण, गोतर, रंग नेई ,
 देश- काल - अतीत जिसदा व्यास ऐ ।

X X X

अपने स्वर ते बिन्दु दा प्रतिबिम्ब ऐ ,
 आखदे इन्ना गै उसदा सार ऐ ।

* मूल वाखै च आए दे 'कुल' शब्द दा अर्थ ऐ 'वंश', जिसदा आधार
 ए अंग न—आत्मा, प्रकृति, देश, काल ते पंज तत्व । अर्थात्—
 मिट्टी, पानी, अग्नि, ब्रह्मा ते अकाश ।

जदूँ आत्मा इन्दे कोला उप्पर उठी जन्दी ऐ ते "परम शिव" कन्ने
 जाई मिलदी ऐ उसै ले ओ दरअसल जाग्रत हुन्दी ऐ ।

उऐ ऐ ओ देवता, उऐ ऐ ओ ,
 उऐ इस घोड़े दा घोड़सुआर ऐ ॥ 123 ॥*

उसदे इक्क होने दी आई जा समझ जे ,
 फो नि रौह्ग बजूद तेरा बक्खरा ।
 इससै केह्डी एकता दे ग्यान 'नै
 मेरी अपनी हस्ती करी दित्ती फनाह् ।

× × ×
 इक हुंदे - सुन्दे बी, केढा चबात ,
 फो बी जारी उआं गै 'दूई' दी जंग ।
 आपू ते बेरंग ओ विलकुल रेहा ,
 मगर डो'ली गेदा ऐ मेरे प' रंग ॥ 124 ॥

* परमात्मा दे केई रूप ते नां गनाए गेदे न । ओम् शब्द (नाद)
 इक बारी मूहां कड्ढो तां ओ अनन्त काल तक अकाश च गूँजदा
 रौह्दा ऐ । एदा बजूद आकाश च टिके दा ऐ । परमात्मा
 माह्नु दे अध्यात्मक शरीरै च प्रकाश दे इक बरीक बिंदु सांई ऐ ।

'नाद' ते 'बिन्दु' अध्यात्मक प्रकाश दियां पैह्लियां मंजलां
 न । जिस बेल्लै इन्सान योगबल कन्ने पैह्ले बारी इस 'बिन्दु' दी
 झलक दिक्खी लैदा ऐ तां ए 'बिन्दु' गतिशील होई जन्दा ऐ ।
 उसलै ए शक्ति बेदार हुन्दी ऐ । आगम शास्त्रें च इन्दे विशेष
 अर्थ न । यानी 'नाद' शक्ति ऐ ते 'बिन्दु' शिव । शिव-शक्ति गी
 इक प्रतीक दे तौरै पर इस्तेमाल कीता जन्दा ऐ । 'लल्ल' ने
 शिव ते शक्ति दे मलाप दा मते बारी जिकर कीता ऐ ।

विश्व-रंगशाला च ओदे नेक रूप ,
 इसै विविध अनेकता इच उसगी पा ।
 सौहृद कर तू सबै किश, सौहृ गा सुखी ,
 बैर, नफरत, क्रोध दे टंटे मुकाऽ ॥ 125 ॥

देस छोड़ी अपना इत्थें पुज्जी आं ,
 दस दिशाएं गी में आइयां गाहियें ।
 बेधी दित्ता गास में बनियें तफान ,
 शिव गै शिव दिक्खां चक्कलें जाइयें ।

× × ×

बन्द कीते छें ते त्रौं दे में द्वार ।
 सिद्ध होआ—शिव गै शिव ऐ मूल सार ॥ 126 ॥*

* 'छें' दा अर्थ पंज इन्द्रियां ते मन ऐ । 'त्रौं' दा मतलब ऐ माया दे
 त्रै तत्व जिन्दे कन्ने सकल चराचर दी त्रिष्टी होंदी ऐ ते जिनेंगी
 संस्कृत इच 'मल' आखेआ गेआ ऐ ।

त्रै मल (मल-त्रय), ए न :—1. आणव मल, जिस करियें
 जीव अपनेआप गी सीमा च वज्जे दा समझदा ऐ । 2. माया-मल,
 जिस करियें जीव च भेदभाव दा एहसास पैदा होंदा ऐ ।
 3. कर्म-मल, जिस करियें कर्म दी सृष्टि होंदी ऐ, जेह्ड़ी सुख-
 दुख दा कारण बनदी ऐ ।

ओदे ध्यानै इच अऊं रुज्भी दी रेही ,
 'सत' दी बज्ज करदी में घेंटी सुनी ।
 इस स्थिति इच मेरे अगों खु'ल्ली मेई ,
 असलीयत आकाश ते परकाश दी ॥ 127 ॥



मनै दे सुन्ने - पनै इच चन्द्रमा ,
 तुपदी-तुपदी, आनी ओं पुज्जी आं बाहूर ।
 भेद खु'ल्ला, इक्कं नेंह् दा होऐ मेल ,
 आपूँ इच मिलदे सभास, मिलदी नुहार ।

× × ×

तूँ ऐ, तूँ ऐ, तूँ ऐ तूँ ऐ, तूँ ऐ तूँ ,
 तूँ गे तूँ ऐ; सिश्टी दा तेरा खलार ।
 किस करी ए बक्खो बक्ख न रूप-जन ,
 जे समाए दा एं तूँ गे थाहूर.थाहूर ? 128 ॥



नीलकंठा ! सोभे नां जिन्दे 'नै तूँ ,
 छे बशेशन गे तेरे अनमोल न ।
 तेरे बाहूजा, पेदी आं बिपदा च अऊं ,
 उऐ सिफतां भाएं मेरे कोल न ।

× × ×

तेरे - मेरे इच इसदे बावजूद ,
 इक रेही गेदा अजें बी फर्क ऐ ,
 तूं ऐं छें दा स्वामी, पर मेरा उनें—
 लुट्टी - पुट्टी कीता बेड़ा गर्क ऐ ॥ 129 ॥†



† 'लल्ल' ने कश्मीरी इच नीलकंठ गी "श्यामगलां" आखे दा ऐ । शिव दे गले इच नीला या काला नशान ऐ । जिसलै देवतें समुन्दरै गी अमरत कड्ढने आस्तै रिङ्केआ हा उसलै जैहूर वक्ख होई गेआ हा । इस लेई, जे ए विख संसारै आस्तै हानिकारक सिद्ध नेईं होऐ, शिव ने इसी पी लैता हा । इससै लेई ओदा कंठ नीला ऐ ।

छें वशेशनें दे अनेकां अर्थ निकलदे न । शिव दे ए वशेशन होई सकदे न—सर्वज्ञ, सर्वव्यापक, निरपेक्ष, सर्वशक्तिमान, निर्विकार ते निर्गुण । यां फी ए गुण ए होई सकदे न—

1. परमेश्वरता, 2. सर्वकर्तृत्व, 3. सर्वज्ञत्व, 4. पूर्णत्व, 5. नित्यत्व ते 6. व्यापकत्व । मनुक्खै लेई ए वशेशन इयां मिथे गेदे न—काम, क्रोध, लोभ, मोह, मद ते, मात्सर्य । जां फी—1. दुदध पौंदा ज्यानापन, 2. बचपना, 3. किशोर अवस्था, 4. जुआनी, 5. अधेड़ अवस्था ते, 6. बुढ़ेपा । जां फी—माया, कला, विद्या, राग, काल ते, नियति, जां फी—1. दुक्ख, 2. कपट, 3. बुढ़ेपा, 4. मौत, 5. भुक्ख ते, 6. त्रेह् ।

इयां गै पंजें इन्द्रियें ते मनै गी बी छे वशेशन मन्नेआ जाई सकदा ऐ ।

मेरी समझा इच नेई आया दना ,
 "तूँ ऐ में" ते ' में आं तूँ " दा मामला ।
 गुज्झा केहूँडा भेत ऐ इस गल्ला च ,
 कियां होंदा मेल दीनों दा भला ?

× × ×

"कुन ऐ तूँ ?" कुन आं अऊं ?", चरचे कनेहूँ ,
 इंदे कन्ने सगुआं बधदा ऐ सनेह ॥ 130 ॥

●

'लल्ल' अपने मनै दे बागा च गेई ,
 उत्थे दिक्खेआ शिव ते शक्ति दा मलाप ।
 मस्त होइयै, अमरतै दे सरै च ,
 गोता मारी, लीन कीता अपना-आप ।
 जींदे जी गं मरियै होई गेई आं निडर ।
 हुन मिगी कंदी ऐ चिंता, के फिकर ? ॥ 131 ॥

●

घरती ते सिद्धी प' तूँ ऐ छाए दा ,
 तूँ एं जीवै इच भरना प्राण बी ।
 गूँजै दी ब्रह्मांड च तेरी गं गूँज ,
 पार कुन पा ? अजब तेरी शान बी ॥ 132 ॥

जेदे लेई अपने पराए न समान ,
 जेदे ताई इक न ए दिन ते रात ।
 जेदा होआ मन दूई कोला अजाद ,
 परम - शिव गी दिखी लेंदा साक्षात ॥ 133 ॥



सारी सिस्टी दा जदू बस्तार बी
 योग - अभ्यास 'नै' होई जन्दा ऐ लय ।
 गगन इच मिलदा सगण, सूखम च स्थूल ,
 दिखदे गै, ब्रह्मांड होई जन्दा ऐ क्षय ।

× × ×

शून्य बी जिस बेल्ले होई जन्दा ऐ लोप ,
 बची रौह दी इक बस्स उस्से दी जात ।
 ध्यान देइयै सुनेआं गल्ल ब्रह्मणा !
 इयै सच्च ई, बुझ्झना एं की चवात ? ॥ 134 ॥



बानी पुजदी ऐ, नां उत्थे पुजदा मन ,
 'कुल', 'अकुल' दी बी नेई पुजदी ऐ हांभ ।
 सारते, शारें दा बी परवेश नेई ,
 शिव ते शक्ति बी नि रौह्दे साम-धाम ।

× × ×

उत्थे नां गै तूँ र'वें, नां में र'वां ,
 नां कोई उपदेश बाकी, नां गै ध्यान ।
 जेह्ड़ा सारे जगत दा करतार ऐ ,
 गुम होई जन्दा, नि रौह्दा नां-नशान ॥ 135 ॥

गल्ल के ऐ, के ऐ सारा माजरा ?
 अन्ने हे जेहड़े, ओ समझे कक्ख नेई ।
 स्रिस्टी गै होई गेई समुच्चो लोप - जन ,
 रेहा जेल्लै ओ मेरे 'शा बक्ख नेई ॥ 136 ॥

होई गेई में अपने-आपा इच गुम ,
 तूँ मेरी अक्खीं दे ओह्लै होई गेआ ।
 लालसा इच तेरी, मुक्का मेरा दिन ,
 तूँ मिगी अपने गै अन्दर थोई गेआ ॥
 करन लगी पेई अऊं, (नेहा चढ़ेआ गुआढ़)
 तेरे 'नै अठखेलियां ते छेड़छाड़ ॥ 137 ॥

बदलदी में स्रिस्टी दिक्खी नित नमीं ,
 आतमा बी नमीं, लब्धे नमां चन्न ।
 तन ते मन कीते पवित्तर जदूँ दे ,
 अऊं नमीं गै नमीं रेहिये, होई घन्न ॥ 138 ॥

कम्म में जेहूँ ब्री कीते, पूजा हो ,
 मूँ हां निकली गल्ल जेहूँ मन्त्र हा ।
 कीता जे किश बी शरीर मेरे ने ,
 उऐ ते परमेश्वर दा तन्त्र हा ॥ 149 ॥



लल्ल दे पति ने पुच्छेआ—

सूरज जैसा कुत परकाश ऐ ?
 गंगा नेहा तीर्थ बी क्या ऐ कोई ?
 भ्राऊ भ्रांगर कुन सम्बन्धी अपना ऐ ?
 पत्नी भ्रांगर सुख दा नातर कोई ?



लल्ल दे गुरु सिद्धमूल ने आखेआ—

अक्खीं भ्रांगर नेई कुत परकाश ऐ ,
 लत्ते भ्रांगर तीर्थ दूआ नेई कोई ।
 खीसा अपना गे सम्बन्धी पक्क ऐ ,
 चादरा अपनी नेहा नि सुख कोई ॥



लल्ल ने गलाया—

थहोँदा ज्ञान इच्च गे परकाश ऐः
 ओदी लगने भ्रांगू नेई तीर्थ दूआ ।

बन्धु नेई परमेसरा जैसा कोई ,
 उस कशा ऐ बद्ध कुत्थे सुख भला ? ॥ 150 ॥*

इति भाग—I

* इक कथा ऐ जे ए गल्लवात सिर्फ 'लल्ल' ते ओदे गुरु सिद्धमूल विच होई ही । इस अनुसार पैह्ला पद "लल्ल" ने गै आखेआ ते दूआ सिद्धमूल ने ते त्रीआ फी लल्ल ने गै आखियँ अपने गुरु गी ला-जवाब करी ओड़ेआ ।

दूई कथा ए ऐ जे, पैह्ला बाब बाबा नसीरुद्दीन ने, दूआ उन्दे गुरु शेख नूरुद्दीन ने ते त्रिया "लल्ल" ने आखेआ ऐ ।

शेख नूरुद्दीन वली "लल्लघद" दे समकालीन उच्चकोटि दे सूफी सन्त होए न । उनेंगी लोक श्रद्धा कन्ने "नुन्द रिखी" वी आखदे न । ओ "चरार शरीफ" च रीह्दे हे जित्थे उन्दी ज़ियारत ऐ । बाबा नसीरुद्दीन उन्दे गै बड़े प्रिय शिष्य हे । इनें त्रीनें दिये आपू विच्चे होई दिये बह्सेंदा "नूरनामा" ते "रिखीनामा" च उल्लेख थ्होदा ऐ ।

मगर केई विद्वान जिस घटना पर ज्यादा विश्वास करदे न, ओ ए ऐ जे लल्लघद दा पति, सिद्धमूल कोल इस करियँ गेआ हा जे ओ लल्लघद गी समझाई - बुझाइयँ घर टोरी ओड़ै । की जे, ओ थोह्ड़ा चिर गै सौह्रे रेहियँ उत्थुआं निकली आई दी ही । इस करी ए वार्तालाप्र इनें त्रीनें इच होना गै ज्यादा जचदा ऐ ।

भाग 2



इस शरीर दे मकानें दियां में
बन्द सब करी लेइयां भित्त-दुआरियां ।
लालसा दा चोर नस्सै कुद्धरा ?
रोकी लैती दियां बत्तां सारियां ।

× × ×

फो मन दी काल - कोठी च इसी ,
ब'न्नी-जुकड़ी चंगी चाली सुटटेआ ।
छांटा लेइयै 'ओम्' दा हत्थै च फो
ब्रेढ़ी ओड़ी खल्ल ऐसा कुटटेआ ॥ 141 ॥



शकल तेरी दिक्खने गो शैल ऐ ,
मन तेरा बिच्चा दा उंआं गै कठोर ।
गल्ल सच्ची तेरी समझा आई नेई ,
असलियत ही होर, तू समझा नें होर ।

× × ×

पढ़दे पढ़दे होठ तेरे घस्सी गे ,
 लिखदे -लिखदे आँगलीं बी घस्सियां ।
 अन्दरें दा हाल बो उऐ रेहा ,
 'दूई' दियां मिटियां नेइयों दूरियां ॥ 142 ॥



सिर नुआया, थूह, बी कीता जे कुसै ,
 लेइयां सिर-मत्थे 'प सबबें गालियां ।
 हुन्दी रेही निन्देआ मेरी, मुंढें थमां ,
 कदूँ "लल्ल" आँ पिक्छें हटने आली आं ॥

×

×

×

मेरी निश्ठा - आस्था च कदें बी ,
 कुसै हालें इच घाटा नेई होआ ।
 नक्को - नक्क भरोचेआ जिसलें घड़ा—
 साधना दा, फी इदे इच के समाऽ ॥ 143 ॥



लोभी मन मेरा ते ऐ इक हाथी-जन ,
 चांह्, दा ऐ पल-पल बधाना शक्ति-बल ।
 एदी जद चा बचदा ऐ लक्खें चा इक्क ,
 सबनें गी ए दलदा आया पैरें ख'ल्ल ॥ 144 ॥



रेही मनैगी दिन्दी सिख्या ओम् दी ,
 आपूँ पढ़दी आपूँ गै सुनदी रेही ।
 'सो अहम्' दे पद चा कड़्हेआ 'अहम्' गी,
 तां में 'लल्ल' परकाश तक पुज्जी गेई ॥ 145 ॥

हिरख - ज्वाला इच फूकी तन -बदन ,
 करी लैता सैहून इसदा सेक -ताप ।
 मरने कोला पैहूँ लें गै अऊं मोई आं ,
 बचेआ नेई बिदक बी मेरा अपना-आप ॥

× × ×

जात मेरी उंआं ते बेरंग ही ,
 रंग सब्ब आपूँ में अपनाई ले ।
 छोड़ी ऐठी—"में आं", "में आं"—आखना ,
 होर इस'शा बद्ध अऊं करदी बी केहूँ ? ॥ 146 ॥

ओँ गुआची नेही, गुआची गेआ फी—
 म्हेशां लेई गै मेरा इयां गुआचना ।
 होई गेई भव-सागर इच प्रगट अऊं ,
 मेसिये बिलकुल गै अपना नां-नशां ॥
 "हसदे - हसदे पाई लेआ में तत्त-ज्ञान ।"
 चेतना दा मूल हा इयें खुआन ॥ 147 ॥

हन गं दिक्खी ही पौंदे त्रैल में ,
 पलै इच्च दिक्खेआ पवँ करदी ही ऐह् न ।
 हनै दिक्खी रात पेई दी न्हेरी गुप्प ,
 हनै दिक्खेआ दिन होआ चिट्ठा - चनैन ॥ 148 ॥

हन गं ते में ही लौह् की नेही कुड़ी ,
 ते खिनै इच्च भर - जुआनी मेरी ही ।
 हनै जेई ही आऊं दुरं ते फिरं दी ,
 हनै होई मिट्ठिया दी ढेरी ही ॥ 149 ॥

केइयें गी दित्ती निं लौह् की बी कली ,
 केइयें गी दित्ते न तूँ 'लाला' दे फुल्ल ।
 केइयें गी कुड़ियां गं कुड़ियां दित्तियां ,
 बाह् ओ रब्बा ! कुन होआ ऐ तेरं तुल्ल ॥ 150 ॥

आपूँ आले मारी - मारी सद्देआ ,
 किश नेहा तूँ डुल्ले'आ हा केइयें अल्ल ।
 दूए पासं ऐसे बी दुनियां च हे—
 गल जिनै लाने हे पे नदिया दे छल्ल ॥

× × ×

किश शराब दे नशे इच डुविये ,
 बंठे छत्ते पर जमाइये अक्खियां ।
 फसलां बी पक्की दियां केइये दियां —
 खाई गेआ कोई, उने नेई चक्खियां ॥ 151 ॥



देवियां न केइये दियां पत्नियां
 इयां जियां सायादार चनार न ।
 हेठ उन्दी घनी छामां ठंड ऐ ,
 उन्दे कारण आई जन्दी बहार ऐ ।

× × ×

केइये दियां पत्नियां ते इयां न
 पता नेई कंसी बगी दी मार ऐ !
 होन, जियां डुआठनी पर कुत्तियां ,
 पौदियां खाने गी आँदे-सार गे ॥

× × ×

छिट्ट-जन केइये दियां न पत्नियां ,
 पाई रखन जो खलल ते इन्तशार ।
 केइये दियां धुप - छांह दा मेल न ,
 जदू जंसी लोड़, उआं मददगार ॥ 152 ॥



ए ते भाखा, जे ओ मेरे इच ऐ ,
 फी बी तुपदी रेही आं उसी बाह्र-बाह्र ।
 भिलेआ ऐ मेरी रगें गी जे सकून ,
 ए ते प्राणायामं दा ऐ चस्तकार ॥

× × ×

योग द्वारा ध्यान करियं, बुझेआ—
 जगत परमेसर दे प्रगट होने दा थाह्र ।
 विश्व ते विश्वात्मा, तां इक्क न ,
 दमैं रलियं होई गे एकाकार न ॥ 153 ॥



भस्म होइयं रेही गेआ खुट्टं दा अंश ,
 चमकेआ सुनां, जदूं बी साड़ेआ ।
 बरफू सांईं आपूं गेई में पिरघली,
 प्रीत दी अगगी (पर) जदूं मन चाड़ेआ ।

× × ×

पिरघले पाले न सूरज चढ़दे सार ,
 ते चबवखें रौह्दी ऐ बस्स लो गे लो ।
 थहोई गेआ ग्यानं दे कन्ने मिगी चैन ,
 जद समझ आया, मेरे अन्दर गे ओ ॥ 154 ॥



साफ - सुथरे ते पवित्तर होइयें,
 कीता सतसंगे 'नै' में पूजा दा रंभ ।
 नौमें दिन करी दित्ते सब दरबाजे बन्द ,
 दसमें दिन दसमें घरै इच कीती लो ॥

यारमें दिन चन्नं दा लगा पता ,
 बाहूरमें दिन लोक - मंडल वश होआ ।
 तेहूरमें दिन धोता तन त्रिवेणी च ,
 चौहदमें दिन काबू कीते चौदां गास ।
 पन्दर'में दिन होआ चन्नं दा उदय ॥

× × ×

पेहले दिन लैता सम्हाली अपना आप ,
 तद्दे मुक्की चिन्ता, श्होआ रस मिंगी ।
 मूरती - पूजा ही मेरी इन्नी गे ॥ 155 ॥*



॥ समाप्त ॥

* इने पंक्तियें च लल्लग्रद उनें बक्खरे - बक्खरे मरहलें दा जिकर
 करदी ऐ जेह्ड़े ओ निरन्तर योगाभ्यास च लंघी आयी ही ।
 ए गल्लां ओ नेहियें रमजें ते सारतें कन्ने करदी ऐ जिन्दा
 सम्बन्ध महीने दे शुक्ल पक्ख कन्ने ऐ जदू चन्न दिनो-दिन
 बधदा ऐ ।

...
...
...
...
...
...
...
...
...

X X X

...
...
...

...

...
...
...
...

...

...



Published by the Secretary on behalf of
J & K Academy of Art, Culture & Languages, Jammu
& Printed at the Ramesh Art Press, Jammu.

CC-0. Dogri Sanstha, Jammu. Digitized by eGangotri